


第六
 平仲清江集鈔
 南陽集鈔

六

柳田文庫
 文庫11
 D 156
 6



文庫11
D 156
6

平仲清江集鈔

孔平仲字毅父

一作義

武仲之弟登進士第呂公著薦為

十四

秘書丞集賢校理出為江東轉運判官提點江浙鑄錢
京西刑獄紹聖中以元祐黨人屢謫詔惠英三州徽宗
召為戶部金部郎中提舉永興路刑獄帥鄜延環慶黨
論再起罷主管景靈宮卒平仲長於史學工詞藻故詩
尤天矯流麗奄有二仲

發儀真寄常父弟

卯角同出處中路稍差池往事如一夢新年生白鬢小官
仍齟齬異國更羈縲長時恨隔濶既見少開眉朝共壚邊
飲暮同窻下碁一日復一日眷眷不忍離今茲解舟去豈
為赴同期久住恐相溷蕭然生事微欲將眼中淚一灑別

柳田

010190554088

48-12178

時衣諸緒正牢落。勿令心重悲。融怡和笑語。愴怳迷東西。
甘言戒婢子。循髮祝阿宜。憤憤情懷惡。正同中酒時。晚泊
蘆荻岸。江天雲四垂。高城已不見。春雨更如絲。

二十二日大風發長蘆

張帆風尚小。出口勢愈急。扁舟已中流。前後無所及。側看
岸旋轉。白浪若山岌。礫石時有聲。百罅水爭入。危檣聽欲
折。柁柄脫操執。我有常病妻。素羸多不粒。及茲益憤亂。卧
喘氣吸吸。婢媵半北人。茲險未嘗習。蒼皇面淡墨。嘔噦皆
膽汁。可憐兒女輩。往往相聚泣。出門強指揮。飛沫濺衣濕。
江豚踊吾前。獼獼作人立。意如驚吾噉。出沒相百十。呼神
擲楮泉。祈佛啟經襲。是時正月尾。於節甫驚蟄。雲氣作冥
晦。氣候變寒澁。日中僅得止。性命危若拾。紛然方寸亂。魂
幹久不集。官期幸未迫。安用苦汲汲。官兵勇貪程。一震當
少戢。何如彼居民。生不出井邑。吾田雖曠瘠。飢粥粗可給。
勞生默自慨。茅舍行且葺。

讀江心集

煌煌一疋錦。爛爛五色筆。始如何處得。悵此夢中失。淹也
雖善文。歲蕤少筋骨。譬人氣不淡。往往多奄忽。晚年既富
貴。外學仍老佛。豈非有所怠。寢使天才屈。奈何不自尤。秘
怪疑鬼物。我有十丈舟。風期駕溟渤。褰霞。東皇擘浪窺
月窟。唯憂倦或止。視此頗自栗。

鑄錢行

三更趨役抵昏休。寒呻暑吟神鬼愁。從來鼓鑄知多少。銅
沙登就城南道。錢成水運入京師。朝輸暮給苦不支。海內

如今半爲監農持斗粟却空歸

呈范清老

范子愛高卧。家政付兒孫。將身比瞑目。達理吾所尊。前日過所居。蔓草深閉門。范子欠伸起。性寡笑與言。相與尋幽寺。復將坐前軒。斜陽滿庭下。不厭鳥雀喧。擘雲青山秀。經雨野水渾。念此景清曠。非君誰與論。少年一傾蓋。白首義彌敦。頽然各忘返。明月照黃昏。

曹亭三絕句

外看江水長。裏見荷花發。廬阜收白雲。南浦浸明月。漾舟荷花裏。艤棹綠楊陰。却上曹亭望。山高江水深。登臨常患遠。游覽不能繼。此景對門墻。獲興日三四。

夜入監中

欹枕汗如洗。出門更已涼。長風萬里至。河漢清人心。笑葉有佳氣。楊柳搖疎陰。秋聲繁促織。月色動棲禽。落魄衣忘帶。逍遙髮懶簪。聽從涼冷入。一快直千金。

七月六日作

隔江見雨來。尤苦風大疾。蓬蓬宇宙中。掀攪若無物。百川水倒流。瓦石亦飛越。濃雲最輕浮。暫聚非永結。隨吹東西揚。散漫頗倉卒。竟無點滴惠。初勢不可遏。正昏露青天。方矐見白日。但增塵土高。益便水泉竭。農夫憂歲事。悵望眼流血。蛟龍不能神。卷尾藏窟穴。空餘鳥雀噪。庭戶晚更熱。淡夜氣稍蘇。林端挂明月。

暇日至家園

仕宦吾已知。退休不如早。九江園地勝。萬箇竹色好。每到

必裴回。翛然寄懷抱。于此築亭臺。于彼植花草。傍嶺更栽松。引池將溉稻。經營各有處。何日室遂考。薄田方待歲。一雨洗枯槁。指穀以易泉。橐囊助傾倒。茅茨若粗完。世路迹可埽。南山多白雲。臨望娛我老。

城東作

九江非吾土。久寓忘羈縲。丘墳之所宅。舍此亦安歸。錢官最閒暇。因得治其私。松楸鬱在望。時復至郊圻。駕言上東原。藹藹晨露晞。草木新過雨。秀色可療飢。念此道傍民。散居在山蹊。新秋百物熟。入城各有攜。芋。逆。紫。卵。壯。薑。扯。紅。笋。肥。櫟。香。憶。烹。鯉。稻。白。想。流。匙。養生無不有。美味仍及時。此土遂可老。行當結茅茨。雲水有淡約。塵埃無盡期。人生適意耳。富貴亦何爲。

月夜

平生最好月。况此秋夜闌。長風送蕩漾。浩露洗團團。仰頭視虛空。光采如可餐。星辰斂芒角。河漢收波瀾。更無微雲翳。挂此白玉盤。六合靜皎皎。萬木涼珊珊。爲爾廢昏卧。裴回更漏殘。更登高處望。歷歷見湖山。爽氣集冰雪。清心生羽翰。便欲御冷然。因之遊廣寒。一臨天池水。沐浴隨飛仙。

出城一首

驅馬出北門。秋色滿平臯。泄雲弄微陰。寒日照我袍。遵塗升復降。控縱亦已勞。落松被徑軟。青蒿倚崖高。南顧臨大江。厲風蔚波濤。蛟龍正崛強。舟楫未易操。亦有沂泗人。揚帆氣方豪。覆舟諒由險。豈曰命所遭。

九日獨登曹亭

重陽不見菊。節物愈凋零。性復不嗜飲。對酒只如醒。秋堂
靜便臥。既起息殊清。登高未免俗。亦不造林坳。屋西連郡
郭。水末乃曹亭。杖藜只獨往。坐對南山青。蕭瑟西風高。泱
泱滯雨晴。斷雲見天色。殘潦知地形。遙峰落照斂。別浦暝
煙生。歸鳥向村急。孤舟當渡橫。此時有佳興。乃惡聞人聲。
況今預尊俎。而使聽竽笙。嗟吾趣尚僻。取笑世上英。豈宜
濫簪紱。但可老柴荆。

堂前阜筴樹

堂前阜筴樹。落葉已如積。籬上牽牛花。青青照秋色。四序
都幾何。推遷半陳迹。晝短夜益長。晴薄陰易得。浮雲忽以
興。慘慘風自北。便有挾纊心。人誰顧絺絺。飢蚊爾何爲。乃
欲長肉食。翼翅不能舉。自此且衰息。

朱君以建昌霜橘見寄報以蛤蜊

贈我以海昏清霜之橘。報君以淮南紫脣之蛤。橘膚軟美
中更甜。蛤體堅頑口長合。開花結子幸採摘。沒水藏泥豈
靳得。二物同時有不同。賦形與性由天公。請君下筴聊一
飽。莫索珠璣向此中。

夜坐庵前

人定鳥棲息。庵前聊倚欄。裴回明月上。正在脩篁端。清影
冰玉碎。疎音環佩寒。翛然耳目靜。覺此宇宙寬。人生甘物
役。汨沒紅塵間。宴坐得俄頃。境幽心已閒。諒能長無事。自
可駐朱顏。所以學道人。類多隱溪山。

杜冷無隱亭賞梅

梅生要孤高。故在城顛上。臘過已多時。花寒猶未放。正前

平仲清江集卷五
乃廬山積雪千萬丈。開樽呼嘯酒面已遲上。直須玉蕊十分開。洗盡煙嵐春氣回。請君掃地更招客。為君花卷大白。

晚興

春雪弄微陰。晚色連細雨。阜角茅已長。瑞香花欲吐。雖寒亦料峭。稍霽卽和煦。園林擬杖策。芳物行可數。

上元作

春來霧雨久不收。上元三日月如秋。傾城娛樂競沽酒。舊歲豐登仍足油。樓前燈山燒荻火。光影動搖桑落州。太守憑高列歌吹。游人烘笑觀俳優。銅盤貯煤插烏帽。從兵小史斥下樓。侍觴行食皆官妓。目眙不言語或偷。短長赤白皆莫校。但取一笑餘何求。譬如飲酒且爲樂。不問甘苦醉卽休。歸來純如打五鼓。春寒慘慘吹駝裘。羣兒嬉戲尚未寢。更看紫姑花滿頭。

送張天覺

車上不須舞。途窮不須泣。萬事儵忽如疾風。莫以乘車輕戴笠。愛君清如玉。立愛君直朱弦急。膽肝磊落貯星斗。意氣軒騰脫鞴繫。聖明天子聚羣材。下至椽枝猶收拾。况君屢薄青雲飛。暫爾低田豈長蟄。我亦區區有心者。海水期君更注滄。蕭蕭江路濕。煙濛客帆濕。惜君又作千里行。欲別還留手重執。

詩贈王從善

廣庭試羣材。俊筆馳短晷。鎖廳爭第一。乃後二三子。騎龍失頭角。十載困泥滓。泛舟自淮南。得邑窮楚尾。江上始相

逢清名久吾耳。油然睹顏色。悅澤已可喜。博學有淵源。高
談見根柢。有如萬斛鍾。久叩聲益起。如君豈易得。蹭蹬乃
在此。械樸析爲薪。奈何遺杞梓。我本世時人。僂焉頑似鄙。
一官傍松楸。自足勝朱紫。功名已灰心。藜藿息沒齒。欲結
方外游。徜徉訪雲水。聞君亦有意。不戀五斗米。笑指廬山
高。論交從此始。

春暄大旱率企援筆

去歲有閏既苦寒。今年春早亦大暄。清明寒食在二月。禁
火正如揮箑天。桃花零落牡丹發。漠漠江頭吹柳綿。細蟲
打牕夜如雨。潤氣蒸礎朝生泉。卷簾闌向迎風坐。徹綉去
屏息。簾眠勸君用心慎。倉卒萬事轉易如車旋。安知明日
不凜冽。莫以炎涼隨目前。

送謝仲規致仕

公年五十餘。鬚髮黑如漆。朝廷方進用。未是挂冠日。又非
力不任。數以身自乞。人疑徇虛名。今也踐其實。蕭然巢許
姿。臭腐視冕紱。東南富人材。卿相近。間出急流能勇退。千
古未有一賢哉。謝夫子。趣尚真不屈。騰裝嶺外遠。歸棹江
邊疾。故鄉何日到。清暑坐華室。荔包雜紅紫。茶品分甲乙。
歲時會親賓。左右列圖帙。回頭煙瘴地。揮手風波窟。天將
勞以生。乃獨取閒佚。觀公眉宇秀。凜凜有道骨。當爲地上
仙。不是籠中物。我亦素有心。賤貧嗟泪沒。鴻鵠羽翼成。高
飛脫羅罟。鷦鷯未有巢。側目空自失。短章健公決。行且管
蓬草。

曹亭獨登

問我當何之。曹亭蒼木外。江湖水方漲。曠濶吾所愛。微風撼晚色。爽氣回秋籟。楊柳隱官堤。芙蓉接公廨。白雲依山起。點綴若圖繪。何須招客遊。清興自無輩。落日更憑欄。下看飛鳥背。

晨出郡南

日未公山更青。湖旣濶風自生。垂楊弄疎影。啼鳥曳殘聲。江城晚色懷抱爽。况在白龍堤上行。

夏旱

元豐四年夏六月旱。風揚塵日流血。高山已白。低田乾。池行車井泉竭。多稼如雲欲成就。天胡不仁忍斷絕。雷聲隆隆電搖幟。雨竟無成空混熱。如聞大河決北方。目極千里波濤黃。我願蛟龍卷此水。灑落東南救焦死。又聞戎瀘

方用兵。戰車甲馬穿雲行。安得疏江擁三峽。餘波未流灌百城。分枝引派入南畝。盡使枯槁得復生。志大心勞竟何補。仰視雲漢高溟溟。吾徒祿食固可飽。更願眼前無餓莩。

述鷗

水濱老父忘機關。醉眠古石紅葉間。綠波蕩漾意不動。白雲往來心與閒。有鷗素熟翁如此。命侶呼儔就翁喜。相親飲啄少畏避。自浮自沉不驚起。漁人窺之即謀取。手攜羅網來翁所。羣鷗瞥見皆遠逝。千里翩翩一回顧。鷗不薄翁勿疑。避禍未萌真見機。漁人羅網不在側。敢辭旦夕從翁嬉。

乞巧

眾人喜乞巧。我以巧爲憂。言巧多欺佞。行巧爲邪柔。學巧

平仲清江集卷八
八
競穿穴。文巧多彫鏤。巧不令如此。宜吾之恥求。我欲守拙。性浩然。鎮輕浮。盡窳衆巧門。化以孔與周。此志尚未遂。感激在初秋。南顧問牛女。女實能巧不。

使紙甚費

家貧何所費。使紙如使水。親交或見遺。自買不知幾。置之几案間。數軸俄空矣。作字本不工。學書非不喜。不知何故。盡疑若有神鬼。若云隨置郵。性復懶殘。啟問或強爲之。皆出不得已。橫斜若僂脚。齟齬如鴈齒。數易僅能成。紛紛多廢委。敘致失輕重。畏慎防觸抵。往往已緘封。時時又刪洗。遂令巾衍竭。大半或緣此。昔無楮先生。云自蔡倫始。假令行竹簡。秃野未供使。人生有智慧。不若愚且鄙。古來取卿相。未必皆經史。誰教識點畫。空耗五斗米。咄嗟爲此詩。又是一張紙。

送朱君貺德安宰罷任還

尋陽五邑誰善政。歷陵令尹朱爲姓。孜孜常以民存心。四境安虞吏無橫。吾愛其人頗真率。笑語談諧喜譏評。山有猛虎藜藿長。人得朋友衣冠正。當時文學推第一。澗步青雲乃蹊徑。大賢百里固非地。赤子三年且無病。如君才智可自達。今歸朝廷惟所應。君臣昔以譬壘篋。吉甫文武陛下聖。當陳半策縮萬金。翩翩六翮凌風勁。江邊鍾官老鑄錢。坐髀已消窮且暝。倘君富貴不通書。當念行藏素非佞。

寄子由

晨興悲風鳴。霜霰集我屋。忽驚歲云晚。日月疾轉轂。穴蟲知天時。閉戶各潛伏。而我亦勞止。擾擾尚馳逐。宵征戴星

暮飯多見燭。灰塵彫鬚眉。銅臭蝕肌肉。念當投劾去。牽
繫五斗粟。豈無數畝田。亦有千箇竹。平生羨爲農。水旱憂
不足。空效鳥雀飢。啾唧如聚哭。內顧復遲回。行藏類抵觸。
長卿著犢鼻。揚子投天祿。岷峨能生賢。獨不主爲福。如君
乃棲棲。似我宜碌碌。連山積雪壯。霽色明羣玉。對此想清
標。凜然疑在目。安得兩翅長。高峰逐黃鵠。飛去墮君前。綢
繆論心曲。

元豐四年十二月大雪郡侯送酒

平明大雪風怒。屋上卷來。亭下高更。淡更密。皆能到。所
在紛紛如雨毛。堆牀壓案。掃復聚。取筆欲書。冰折毫。鬚眉
沾白。催我老。自頸以下。類擁袍。此時只好閉門坐。右手把
酒。左持螯。奈何噴。岷據聽事。千兵跼籍泥如槽。強登曹亭
要望遠。紙傘掣手不可操。黑陰遮眼。鋪水墨。寒氣刮耳。投
兵刀。飢腸及午。尚未飯。更搜詩句。無乃勞。幸有使君憐寂
寞。亟使兵廚分凍醪。余雖不飲。爲一酌。兩頰生春紅。勝桃
醉眼。曹騰視天地。蝶羸螟蠹。輕二毫。勿令小暖氣。便壯自
笑。世間皆我曹。

宵興

我眠何由安。擊鼓中夜起。出門若秉燭。月色照千里。屋瓦
微有光。紛紛雪正委。清寒薄駝裘。六合氣如水。旣歸整燈
火。危坐閱書史。羸僮拭眼睫。侍我色不喜。問之強應對。固
以噤口齒。金壺澀冰澌。城上更屢死。戍兵飽且昏。汗漫睡
方美。援桴雖賤事。其實關衆耳。奈何司晨夕。倒錯一至此。
惟有赤幘雞。嚶嚶鳴不已。

十二月二十五日大雪

前時大雪風擾之。有無厚薄皆不齊。今朝大雪無風色。下
隰高原總盈尺。由來此物本陰氣。偏近黃昏落尤劇。斜縈
碎委百千態。不是天上誰做得。錚錚鳴霰已三日。厭坐北
牕聞滴瀝。自非猛下意不醒。半夜一天星斗白。漫漫玉琢
人世界。蹂踐成泥真可惜。呼童梯屋器貯之。猶得煎茶待
嘉客。

詠道上松

長松高落落。積雪白皚皚。鱗鬣凍且僵。鬱結久不開。觀其
纏壓意。直使同枯荑。鴈帶寒光去。鳥傳春信來。微陽入直
幹。生意忽已回。豁若醉初醒。整頓出塵埃。秀色媚山腹。孤
標摩斗魁。時至自當復。安得長摧頽。若非根本壯。何能異

草萊

狂犬

吾家有狂犬。其走如脫兔。撐突盤盂翻。搜爬堂廡汗。逢人
吠不止。雞噪猫且怒。固難在家庭。只可守村墅。不見已半
年。意謂少懲懼。昨日至城東。搖尾喜若赴。銜衣復抱膝。屢
叱不肯去。一躍數尺高。其雄乃如故。豈惟性則然。汝分亦
天賦。未聞有驕驕。蹄嚙棄中路。安敢攜汝歸。重令兒女怖。
子明碁戰兩敗。輸張禹墨。并蒙見許。夏間出篋中所

藏以相示。詩索所負。且堅元約。

平生性好墨。以此爲晝夜。陳玄爾何爲。能使我心化。四方
購殊品。十倍酬善價。江南號第一。易水乃其亞。古錦綴爲
囊。香羅裁作帕。精粗校白黑。情僞致真詐。欣然趣自得。其

樂勝書畫。英英清河公。風格繼王謝。語舊則鄉邦。論親乃
姻婭。前時偶休澣。亟之城南舍。所嗜與我同。奇蓄頗自詫。
奕秋約籌局。張遇賭龍麝。貪多而務得。廉遜或不暇。鈔刀
施一割。駑足效十駕。決勝有如兵。必爭還似射。黑雲半離
披。玉馬蹂籍初鳴已。驚人再鼓遂定霸。物情矜俊捷。天
幸蒙假借。功成不自高。垂首甘褻罵。子明每甚。但當所
負。然諾重嵩華。彎弓既有獲。豈不願鴟炙。滌硯竅見臨。倒
屣出相迓。陵尊且犯貴。此罪在不赦。更許觀篋中。前期指
朱夏。

寒食郊外

泠泠雨沉城。浩浩泥沒轍。四山氣如蒸。萬里天欲雪。我時
出郊坰。山徑屢曲折。雖懷顛沛憂。亦有觀覽悅。幽花媚林
薄。粲粲生意發。紅紫相後先。各自有時節。長松困水雪。顛
顛終不屈。及今翠天嬌。騰拔見筋骨。陰陽有代謝。物性安
可奪。請視大塊中。紛紛盡毫末。興衰若鱗次。今古猶市閱。
只此晦與晴。變態亦俄忽。歸路日已曛。披襟滌初熱。

余比見管勾太平觀劉朝奉見嫌太盛教以一食之

法自用有效因以告子由且進先者後欲之說蒙
示長篇竊服高致謹再用元韻和寄

廬山九江南。勝隱類王屋。中有劉先生。逃榮棄朱轂。我嘗
問持養。次第蒙攝伏。操心要常存。尤戒忌追逐。教人啖火
桑。喻世指風燭。一從屏晚膳。已覺失頤肉。諒能早如此。盍
自有餘粟。寢甘無復夢。行健不須竹。萃地涌清波。漱飲每
充足。當使百靈朝。如聞九蟲哭。欲塵亦遂埽。由味方有觸。

甘肥白煎熬。其毒甚回祿。願公亦淡薄。同享秀眉福。丈夫
貴決烈。安得猶碌碌。淘沙始見金。推石方逢玉。所以老氏
言。爲腹不爲目。未能便仙去。輕舉隨白鶴。且保臨老年。眼
明腰不曲。

常甫招客望海亭

蓬萊釀酒酒已成。賀家池上新採菱。紫衣侍立烏帽走。吾
兄招客望海亭。歸來爲我道客語。
遙指北山下。云此白處乃海浦。入山迤邐數百山。客居乃
在一山顛。雖非陽侯所窟宅。風濤瀕洞已拍天。餘山亦有
人雜居。山無桑麻只捕魚。海中百怪所會聚。海馬海人并
海驢。或如七十之老翁。或如三尺之侏儒。手足口眼莫不
見。鞭磔盡作人號呼。千艘競造石首脯。雨聲颯颯魚來初。

截波一網千萬尾。棹歌喜噪翻蓬壺。垂釣忽挂綠鸚鵡。採
石仍得真珊瑚。晚晴蜃結綠霞閣。夜黑龍呈明月珠。紅蓮
紫液碧激灑。頃刻變態世所無。我聞此景若在眼。便欲駕
舶尋天吳。昔時管寧亦避地。吾祖嘆息息乘桴。我今何爲
不可往。誰能俛首甘區區。平時此亭景最美。自謂清曠更
無比。一聞客語心坐馳。却上望海汗潢耳。嗟哉好惡隨所
遷。世間萬事多如此。

官松

我行九江南。曠野圍空山。道傍何所有。高松立嶢峴。藏標
隱雲霧。秀氣凌岡巒。橫騫却與走。怪狀千萬端。中有清風
發。能令朱夏寒。流金五六月。方苦行路難。騎者欲顛沛。負
者面如丹。氣息幾斷絕。至此方少寬。消渴飲甘露。酒轍投

長瀾。迺知古人意。爲惠無窮年。亦有被剪伐。行列頗不完。
豈非風雷變。或者盜賊繁。土人對我歎。云有縣長官。爲政
猛于虎。下令如走丸。取此爲宮室。將以資晏歡。良工操斧
斤。睥睨長林間。擇其最高大。餘者棄不觀。千夫擁一柱。九
年力回旋。至今空根悲。泣淚尚未乾。彼令誠何心。緩急逃
後先。毫末至合抱。忍以頃刻殘。萬衆所庇賴。易爲一身安。
居上恬莫問。在下畏不言。世事類若斯。嗚呼一摧肝。

越州飛來山

物之體性重。惟有石最堅。迴風捲黃沙。直下萬丈淵。如何
崔嵬山。乃解飛青天。瑯琊趨會稽。道理固甚懸。想當初來
時。詭異可得言。豈非巨靈擘。或謂秦帝鞭。雷公挾電母。鄰
霍相後先。夸蛾負崖脚。天丁撮其顛。北斗借神兵。虎豹下
九關。海王驅魚送。百里聞腥羶。慈心具億喘。灑汗成流川。
呼雲以自蔽。日月不得宣。棲鳥失其巢。哀哀啼白猿。草木
困擺撼。枝葉半不全。置之秦望陰。百怪散。煙有龍走不
輒化爲錦。色鰻攢身入竅穴。噴出清泠泉。都人駭相報。平
地見巍然。既來亦能忖。惟恐復騰騫。浮屠鎮其上。副以屋
蟬聯。朝吟諸佛經。暮講西方禪。以此相繫縛。鞫孤幾千年。
我聞已有日。今朝始攀緣。高堂置美酒。遠目凌孤鳶。老僧
爲我說。指畫當我前。是否難致詰。且進黃金船。

秋夜舟中

昨夜強風萬弩過。舟中側聽披衣坐。秋來已覺陰氣繁。晨
興更見波濤大。衰梧弱柳不足數。脩篁摧折幾百箇。飛廉
鬱然方用事。一威能令萬物挫。人言風怒未渠央。我觀暴

忽勢不長。會見平川淨如鏡。刀魚鳴。擄過錢塘。

和常父望吳亭

淡灣謂無風。試向江頭望。混混過新潮。峩峩起層浪。前驤復後躡。極力不相讓。踣落皆有聲。擺觸頗用壯。游龍出鬣鬣。怒馬軒頸項。紛綸白雪外。疊太不知向。勢將銀漢接。高與海門抗。吳城挂水墨。越估增怙悵。我欲絕橫流。忠信固可仗。丈夫七尺軀。魚腹豈易葬。緬懷馮河戒。艤棹未敢忘。夜夢大樽浮。東行視溟漲。入宮謁陽侯。舉袂揖伍相。問其孰呼吸。乃使此僮。謝云天所爲。茲語吾恐妄。却欲詰蒼蒼。無梯不能上。

遊六和寺

同尋六和寺。太旁蒼崖行。崢嶸石林氣。灑灑流水鳴。見此

俗慮滅。入門心更清。盤空到窈窕。小憩山前亭。天晴脩竹外。颯有風雨聲。僧云金魚池。近日秋雨足。餘波落清壁。散作雪色瀑。徐興視共流。登高穿屈曲。忽逢白練飛。碎點濺珠玉。清冷振毛髮。蕭灑盪心腹。金魚在何處。演漾戲平淥。鱗鬣老愈黃。點漆作雙目。憶爲兒童時。嘗劇此池旁。聞人說金魚。已謂百歲強。今踰二十季。僧死草木荒。此魚尚無恙。纖質不改常。謂魚非靈物。安得擅久長。四海波浪高三江。網羅密。長鯨裘明珠。幽暗無白日。我疑龍變化。就此溪中逸。紛綸乾坤爭。浩蕩風霆出。何如守一泓。無得亦無失。

戲張子厚

子厚誇善碁。益我以五黑。其初示之羸。良久出手策。波衝與席卷。揉攘見敗北。我師如玄雲。汗漫滿八極。子厚若殘

雪點點無幾白。是時秋風高。萬里鷹隼擊。鷦鷯伏淡枝。顧視頗喪魄。勒銘亭碑陰。所以詫茗客。

泛漣水

漣漪二十里。清淡得我性。微風不復搖。天水相與淨。秋容入崖柳。晚色依漁艇。髮鬢會猶遊。南湖似明鏡。

日出

仲冬十一月。我行赴高密。路出東海上。晨起駭初日。騰騰若車輪。只向平地出。較於昔所見。得此十之七。蟾蜍尚弄影。皎皎橫參畢。輝光一迸散。夜氣掃若失。扶桑想可到。俗慮苦難訖。壯觀會水厭。側歎流景疾。

早行

此篇文雖所載稱經父詩。據孔氏遺稿。乃毅父遺稿。毅父親筆。當以爲是。客興謂已日。出視見落日。瘦馬入荒陂。霜花重如雪。海風

吹萬里。兩耳凍幾脫。歲晏已苦寒。近北尤凜冽。况當清曉行。遡此原野濶。笠飛帶繞頸。指強不能結。農家煙火微。炙手粗可熱。豈能迂我畱。而就苟且活。仰頭視四字。夜氣亦漸豁。苦心待正書。白日想不闕。

夢錫惠墨答以蜀茶

墨者自黑黑者墨之友。所以陳玄號。聞之于退之。近世工頗拙。所巧惟見欺。摹成古鼎篆。團作革靴波。揮毫現慘淡。色比突中煤。誰最畜佳品。鄭君真好奇。贈我以所貴。南不讓金犀。堅如雷公石。端若大禹圭。研磨出淡黝。落紙光陸離。較之囊中舊。相忒乃雲泥。辱君此賜固已厚。何以報之乏瓊玖。不如投君以耆好。君性耆茶人罕有。建谿龍鳳想厭多。越上槍旗不禁久。我收蜀茗亦可飲。得我峨眉高。

太守人情或以少為珍。心若喜之當適口。更憐此物來處遠。三峽驚波如電卷。江湖重覆千萬里。淮海浩蕩漣漪淺。舍舟登陸尚相隨。今以答君非不腆。開甗碾發試一嘗。尤稱君家銅葉盞。

夜聚楊節之秘校解廚

雲亂海天低。風吹馬耳破。黃昏訪主氣。同向幽齋坐。談資綠酒長。歡敵紅裙坐。倒載夜淡歸。雪花如掌大。

止謁宣聖廟者

高密古名城。其地近闕里。絃歌聲相聞。往往重夫子。學宮雖荒涼。廟貌頗嚴偉。上元施燈燭。下俗奠醪醴。高焚百和香。競蕪黃金紙。所求乃福祥。此事最鄙俚。朝廷謹庠序。五路茲焉始。建宮以主之。不肖實當此。澆敝皆埽除。安可循舊軌。丁寧戒閤人。來者悉禁止。嘗聞諸魯論。丘之禱久矣。生也既無求。沒豈享淫祀。夜亭甚清虛。古栢自風起。悅之以其道。吾祖當亦喜。

讀莊子

損此以錙銖。益我以千金。豈足為輕重。徒能勞爾心。覆彼以狐貉。蒙此以絺綌。豈足為厚薄。徒能損卿德。南山有鷲鳥。睥睨天地秋。有意橫八極。固非守一丘。老鴟嚇腐鼠。安可施于此。鷓鴣尚不屑。况非鷓鴣比。

夢錫楊節之孫昌齡見過小飲

夢錫更時事。恢然君子儒。節之瓊樹枝。秀氣發扶疎。昌齡出相家。謙謹乃繩樞。三人于交游。得一固有餘。日暮俱訪我。止駕共躊躇。四天忽陰沉。風聲若江湖。寒色尚可畏。促

滕同附爐。高密酒雖貴。爲君開一壺。拳栗自東越。殷糲從上都。羹烹歷山蕈。膾斫注溝魚。鮮蛤實海錯。肥羊非市屠。後食淮南蓴。此皆比所無。主人不敢愛。且以爲賓娛。夢錫飲中豪。節之亦其徒。昌齡稍姦黠。我勸勢頗麓。左手扼其肩。右手進觥盃。勉強爲我盡。淋漓滿衣裾。醉坐各忘公。蓬燭已見跼。幽談入鬼怪。巧詐相耽飲。勿言輕此樂。此樂勝笙竽。明朝酒醒後。相對禮如初。

收家書

早承會稽信。晚接清江使。兩地千里餘。尺書同日至。旣知骨肉安。復得鄰里事。丁寧問兒女。委瑣及奴婢。開包視封題。親故各有寄。牛狸與黃雀。路遠不易致。東人罕曾識。專享無所遺。豈徒抵萬金。鼓腹快異味。

春天

春天酣酣睡最美。日轉花陰猶未起。須臾夢覺聞風聲。波濤翻空千萬里。出門四望氣慘淡。寒色射人如潑水。旋見大雪落交加。向晚綏綏尚不止。遊絲柳絮復何有。百鳥卷舌愁欲死。陰陽變化固有漸。乃何暴忽有如此。清江野客心傷悲。寂寞無言對桃李。

觀舞

宴館簇金絲。繡茵呈舞旋。雲鬟應節低。蓮步隨歌轉。勢多體不犯。妙絕乃習賞。含笑有餘情。小揖更微盼。

城南

密州三月猶有寒。地平更在大海上。昨朝雨止氣已晴。今日繁陰北風壯。城南蹙水傍城流。幾處垂楊繫小舟。傳聞

寂寂無車馬。紅杏天桃各自稠。

送夢錫往齊州

望君之行車。既遠目亦收。惟有隨君心。千里不能休。我兄在歷城。相別歲已周。音問月三四。東西交置郵。豈如一相見。君今涉其州。爲我道亡恙。淡言致綢繆。先馳魂夢往。迎子鵲山頭。

晚出

空城鳥欲棲。漸夕收寒暑。槐葉綠生風。椿花落如雨。出門何所適。有口不敢語。披豁向青天。望銷雲一縷。

常父寄半夏

齊州多半夏。採自鵲山陽。纍纍圓且白。千里遠寄將。新婦初解包。諸子喜若狂。皆云已法製。無滑可以嘗。大兒強占據。端坐斥四旁。次女出其脰。一攫已半亡。小女作蟹行。乳媪代與攘。分頭各咀嚼。方愛有所忘。須臾被辛螫。棄餘不復藏。競以手捫舌。啼噪滿中堂。父至笑且驚。亟使啖以薑。中宵方稍定。久此燈燭光。大鈞播萬物。不擇竄與良。虎掌出澁谷。鸞頭蔽高岡。春葦善殺魚。野葛挽人腸。各以類自蕃。敢問孰主張。水玉名雖佳。神農錄之方。其外則皎潔。其中慕堅剛。奈何蘊毒性。入口有所傷。老兄好服食。似此亦可防。急難我輩事。感惕成此章。

惜別爲從道作

嘗聞直諒冠三友。自古才難非特今。今世脅肩事諂笑。君獨苦口工規箴。我常從之求過失。箕踞慢罵猶甘心。其言未必俱中理。披沙往往逢黃金。今將去矣誰復嗣。已覺別

恨凌秋陰。胷中抖擻。宜一盡。畱作更允相思淡。

送從道

公季風雲攬天暗。君馬區區之海涯。今季苦寒又訪別。正是公季行役時。信陽雖遠重來得。小桃常探春消息。如今官滿公不返。又見花開誰記憶。乾坤浩蕩歸無鄉。歲月崢嶸老相逼。一官奔走隨所使。後期會合知南北。篇詩惜別人少和。須知此別真可惜。黃髯半醉舌若蜚。它日樽前無此客。

出城

駐馬河之西。送車皆已返。郊原人漸少。風物秋將晚。身如獨鳥輕。意與青山遠。

逃途

吹燈治行裝。戴月卽前路。溪村苦多岐。乃使行者悞。東西皆可往。曲折何所遇。泥中虎鬪跡。草木新封墓。陰雲忽以興。四顧增恐懼。及今亦難咎。初失在跬步。林木杳崢嶸。原莽回互。雖聞叱牛聲。欲問不知處。

遇雨

客行日暮飢且渴。况值漫山雨未絕。蜀黍林中氣慘淡。黃牛岡頭路曲折。狂風亂掣。傘飛。瘦馬屢拜。衣裳裂。記得默齋端坐時。唯愛霧霏洗煩熱。

呈夢錫

妻孥能相期。每出必還還。如其歸稍晚。必謁鄭推官。

又

與君來往半歲餘。三日不見已爲疎。入門褫帶不相揖。下

馬且復休僕夫。形骸禮數不足問。但論肝鬲之如何。昨朝
萬事俱撥置。與子齋中同負燼。去時苦寒風。冒雪歸路清。
輝踏霜月。但取樽前笑語歡。豈知門外陰晴別。

韓大夫城

大夫今安在。唯有廢城存。流水抱沙曲。依依楊柳村。居者
五六家。荆榛深閉門。青青麥壠直。藹藹桑枝繁。牛羊任所
適。僮稚更不喧。啼鳥靜逾遠。落花風自翻。昔稱老農賤。吾
意墊人尊。謀身莽無定。太息視乾坤。

青州作

京東地平夷。自古四戰國。九州此居三。山海在封域。北趨
京洛近。南卷江淮直。富饒足魚鹽。飽煖徧牟麥。英雄欲飛
騰。假此爲羽翼。隆準廢秦亡。金墓伺唐隙。方今不憂此。所
重只西北。兵防最寡少。主帥失銓擇。蒿萊蔽城墉。繡澀滿
戈戟。慢爲盜之資。忽者禍所植。吾視士大夫。赳赳半雄特。
歌謠尚慷慨。淵達本多嗔。腹心宜先安。豫備乃長策。衆方
頌太平。我乃虞盜賊。雖言亦誰聽。痛哭損肝鬲。

又寄夢錫

自君卧漳濱。我意恍若疾。無人與笑言。兀兀守一室。當寢
或不寢。當食或不食。有息氣填膺。可駭幾戰栗。想君端在
家。比我乃安逸。妻孥以嬉。簿領久閣筆。南城趨北城。道
路無所鬲。我豈無僕馬。子不見賓客。哦亭足清風。林木助
蕭瑟。葵花無數開。蓮葉亦已出。起來定何時。幸會能幾日。
已今籊白醪。待子歡促膝。

寄王達夫高密令

高城已吹角。月暗星河落。與子語不休。青燈同寂寞。平明車馬去。怱怱一飯相邀。不得同交情。世契兩皆厚。東望白雲千萬重。

晚集城樓

高樓百尺脩木尾。面對南山翠相倚。凭欄談笑青雲裏。秋標摩空日色死。海風蕭蕭東萬里。吹襟洗鬢清如水。下視黃埃濁波起。車馬紛紜。嘒嘒蟻。

陰山七騎

青羶作帽黑藥靴。進退颯颯生風沙。歌舞隨風舞。問誰何爲乃至此。象之人假爲之。朱顏的皜秀兩眉。手操弓矢仰視天。如見飛雁馳平川。主稱此樂直萬錢。坐客競飲黃金船。世人見識無百年。追歡取快貴目前。當時披髮

祭于野。自非幸有誰知者。

君住

君住水西我水東。東岸波生西岸風。哀哉中截錦繡段。上襦下裳各一半。小星隆隆怒且鳴。前驅貪狼後攬揜。何如盡遣收芒角。推放當天皓月行。

雞冠

我初種雞冠其小乃毫芒。曾未得幾時忽已過我長根株。旣猥大枝葉亦開張。吐花凌朝曦生意殊未央。陰風自西來慘淡驅清霜。一夜忽變故葉萎花已黃。當此繁盛時爲爾償壺觴。及今乃腐草好玩安可常。呼童盡剪拔。昔恐踐踏傷庭除。稍曠濶耳目加清涼。竹枝久蒙蔽。迥立獨蒼蒼。

月三章

夜如何其月在隅。問行何爲乃躊躇。海波壓輪不得驅。中庭有客心不樂。欲挽玉兔鞭蟾蜍。夜如何其月正美。起視萬物如明水。山魃避人鬼火死。中庭有客立不移。何暇眼力看箕尾。夜如何其月落愁。光輝奄奄星益稠。白雲擁漢波不流。中庭有客心不樂。放志萬里誰能收。

代小子廣孫寄翁翁

爹爹來密州。再歲得兩子。牙兒秀且厚。鄭鄭已生齒。翁翁尚未見。旣見想歡喜。廣孫讀書多。寫字輒兩紙。三三足精神。大安能步履。翁翁雖舊識。伎倆非昔比。何時得團聚。盡使羅拜跪。婆婆到輦下。翁翁在省裏。大婆八十五。寢膳近何似。爹爹與妳妳。無日不思爾。每到時節佳。或對飲食美。

一一俱上心。歸期當屈指。昨日又開爐。連天北風起。飲闌却蕭條。舉目數千里。

詠無核紅柿

林中有丹果。壓枝一何稠。爲柿已歎美。嗟爾骨亦柔。風霜變顏色。雨露如膏油。大哉造化心。于爾何綢繆。荆筐載趨市。價賤良易求。剖心無所有。入口頗相投。爲粟外屈強。老者所不收。爲棗中亦剛。飼兒戟其喉。衆言咀嚼快。惟爾無所憂。排羅置前列。圓熟當高秋。且以悅一時。長久豈暇謀。咄哉潰爛速。棄擲將誰尤。

寄從道

憶初撫掌笑。嘗謂子猿猱。斑然武而文。譏罵舌若刀。髭黃喉骨結。內敏見秋毫。論官則甚微。意氣一何高。今息乃麟

鳳百十未易遭。子行白日靜。回首常蕭騷。聞子在定州。淡
山坐披毛。何如東海上。萬壑觀波濤。不見葭再晚。北風方
怒嗥。圍爐奏美酒。思子持蟹螯。

食桃

剪彼十圍木。架此百尺梁。十圍不加大。百尺不加長。胡爲
被錦繡。空爾飾文章。根斷膚已剝。至朽不復昌。一作食桃
棄其核。下與糞壤藏。一作雨露之所濡。發生乃微芒。回首
枝幹大。冉冉出我墻。開花又結子。意態何煌煌。

日月

月行一何速。暫上青山還復落。衆星厥弛不肯休。參橫畢
直爭頭角。日行比月更疾馳。一日一夜遶天圍。光輝所燭
萬里同。墻邊炙背快老翁。

孤鴈

空城夜已寂。一鴈度雲端。汀洲亦可止。何不法霜寒。豈非
防暗禍。驚矯夫自安。孤音訴明月。天高路漫漫。以鵲置懷
袖。比汝乏羽翰。蒙恩傍溫暖。豈念宵征難。

食梨

東方早寒雪霜摯。新梨十月已滿市。削成黃蠟圓且長。味
甘骨冷體有香。芳尊命友先衆果。百十磊砢升君堂。贈君
玉壺曾冰之皎潔。副以金莖皓露之清涼。奈何撥火取煨
栗。梨雖至美或不嘗。顰眉三噉手摩腹。謂此發病爲第一。
奪之兒口。錫止哭。君不記南方無此物。五更酒渴喚水時。
息此千里莫致之。及今乃以多見賤。南方橘柚東方梨。

十月二十一日夜

統統有如打兩鼓。星河漫漫參在戶。百鳥已棲入不行。西南洶洶有異聲。有若鬼神移山嶽。又如戰敗百萬兵。出門望見乃火起。椽落瓦裂咫尺鳴。問之相去一里間。紅光爍爍侵天明。長煙涌波月魄死。其間有物如撒星。是時久旱水泉竭。高屋一燎如毛翎。小兒但知聚看笑。不知擾擾人縱橫。皇皇奔走最可念。耿耿不寢心飛驚。明朝出視火起處。焦木頽垣不知數。白頭老姥啼向天。歎息之聲滿行路。

會食

學宮不置酒。相聚惟一飯。公家事何多。客至日已晚。乘飢騁大嚼。美惡寧復揀。僕夫無所餘。顧我色不滿。潑茶旋煎湯。就火自烘盞。從容共談諢。執視笑而駭。昌齡豈其慍。策馬獨先返。

集于昌齡之舍

初筵悄無語。良久歡意發。就爐自溫盃。覺此飲量闊。既觀舞袖垂。又聽歌聲闕。醉心紛紜。醉眼成恍惚。勿輕栢直狗所負。尚可悅。當年入績事。今日逼華髮。愈令坐客心。感歎惜時節。夜長更恐曉。起挽青天月。

兄長舟次會稽。以十月九日發書清江親故。以此日遣使。仍以十一月十二日同到。去歲會稽書清江人亦同日到。嘗有詩記其事。

清江在何處。限以龍王大孤。磅浪之險阻。鄱陽彭蠡淮海之波濤。會稽在何處。錢塘江邊風浪惡。金山寺下鼉鼉驕。大冬雪霜道路塞。飢年往往多盜賊。如何兩處發書日月同。至此亦不差頃刻。開緘讀訖更反復。兩處久不通消息。

丁寧勞問若相見。滿堂歡喜動顏色。枝間鶯噪令幾日。摠報平安豈非吉。年年歲晏享異味。牛狸黃雀并金橘。從容進僕問鄉閭。歸心倏起成蕭瑟。

舟行却回

清晨移舟出沙嘴。宿氛卷盡天如洗。日高五丈行十里。白雲之中黑雲起。回舟急趨舊泊處。四山沉沉日色死。逆風颯颯初尚微。浪頭已高白參差。又聞西南崩崖陷。谷有異聲。大風橫擊波如陵。操舟之字雖習貫。掣柁才開又投岸。有如磁石引針太。時時颭撲懸中斷。長篙勁艣不易勝。僅得入口如再生。迴望後舟尚出沒。使人淚落肝膽驚。昨日廟中奠旨酒。巫語甚吉許行。奈何中路輒反覆。欺誕何者為神明。豈非風者天號人。必欲逆知非汝能。浪傳消息得醉飽。萬一猶足為威靈。

觀暴

怒雷殷殷西南天。黑氣一抹長煙。鯨噓鼉噫蛟吐涎。龍呼其儔相後先。散為飛雲蓋蜿蜒。以尾卷海灑百川。河泊乃在坎底眠。震驚掉動憂不全。白浪湧起高于船。岡馳隰舞山回旋。崩衝擺落蔚高塞。聲勢烈烈孰使然。須臾寂靜又改前。餘氛倚漢猶青玄。小鰕奮頭如自賢。神龍歸宮魚出泉。

太平

長江卷波作沙色。中有數頃如潑墨。是為望夫之高山。沉沉影落江心黑。操篙下探不見底。側行牽挽難為力。疾風為我西北來。打鼓張帆何快哉。盲夫呼噪絕水府。心膽壯

敵山崔嵬須臾已入大信口。回聽怒浪聲如雷。姑孰堂前
溪水清。扁舟夜泊已三更。微微雨過有秋意。漠漠雲開對
月明。

觀牛渡江

荷蓑而騎彼牧童。驅牛亂流江水中。徐行不復用鞭箠。母
當其前犢後從。濁波汙汙出頭角。見者往往疑蛟龍。牛身
千鈞水不測。步步乃與丘陵同。天機自然有所解。物理如
此誰能窮。君不見軋犂山復垂至膝。一馬不能載其躬。帝
前每作旋舞。翩翩頸捷如旋風。

太平

溪行曲入四五里。乃見州城大如斗。人煙疎少白日靜。風
物澄明新雨後。古來豪俊多在此。悵望千秋一回首。謝家

青山空自高。李白扁舟復何有。

于將軍

長安遣兵百勝強。意氣何有漢中王。七軍之心俱猛鷲。虎
兕插翼將翱翔。睥睨荆益可席卷。白帝城高如堵墻。秣馬
蓐食朝欲戰。雷聲殷殷山之陽。沉陰苦雨十餘日。漢水溢
出高騰驤。蒼黃不暇治步伍。攀緣蹙踏半死傷。計窮豈不
欲奔走。四望如海皆茫茫。鼙鳴魚躍尚恐懼。萬一敵至誰
敢當。遙觀大船載旗鼓。聞說乃是關雲長。蒙衝直繞長堤
下。勁弩強弓無敵者。雖有鐵騎何所施。排空白浪如奔馬。
將軍拱手就繫縛。咋舌無聲面淡赭。捷書一日到錦城。隻
輪不返皆西行。將軍疇昔負朋友。若此昌豨猶得生。循環
報復雖天意。壯士所惜惟功名。曹瞞相知三十年。臨危不

及龐明賢。歸來頭白已顛顛。泣涕頓首尤可憐。高陵畫像
何詭譎。乃冷慚。痛入九泉。清水之師勇冠世。英雄成敗皆
偶然。

紫髯將軍

華容女子哭幽囚。吉利如虎入荊州。縛其孤雛斂貔貅。長
驅水步八十萬。欲獵于吳吳主憂。羣臣勸迎同一說。拔刀
斫案心膽裂。揆彼之量豈我容。開門納狼計何拙。魯家狂
兒策最長。倡而和者有周郎。區區黃蓋乃乞降。龍幡遮火
燒赤壁。東南風急天絳色。江中戰舸岸上營。煙焰飛騰半
焚溺。雷鼓大進聲滿川。輕銳迫逐皆崩奔。紫髯將軍更歡
喜。曹公座翅不得騫。子布元表何齷齪。成敗之決在一言。
君不見甘露寶鼎間。典午受禪吳猶存。青蓋入洛雖可惜。

猶勝俛首臣老賊。

武宗

武宗惟雄俊。有臣委用專。德裕才略大。感恩罄所宣。是時
巖廊上。六合氣可吞。論兵決勝負。萬里在目前。一平回鶻
兇。再洗上黨昏。楊弁不知時。廼敢盜大原。豈信明光甲。遣
人斬其元。廷謀昧知幾。唯有君相然。成立三大功。慷慨在
一言。風霆運不測。日月朗高懸。李唐勢已空。至此岌復纏。
外內已息兵。崇卑定乾坤。遂令河北師。彌耳如孤豚。事書
史冊上。讀之快心魂。千載若信宿。凜凜風烈存。世人多說
劍。不見斫伐痕。玩弄及自傷。何用飾璵璠。迂哉賈生餌。果
爾房琯奔。施爲貴寶效。詎止銜空文。

奉天行

蒼蒼行露出苑門。孤城偏仄不可存。賊兵之來若風雨。頃刻城下皆雲屯。紛紛矢石蔽空黑。天子垂泣對將軍。將軍提筆書滿背。城中白丁久奪氣。草車之焚雖已矣。雲橋百尺虹霓起。下瞰城中笑飲酒。乾陵赭袍擁朱紫。朔方大將來赴急。彷徨中路不敢入。豺狼合從堪慟哭。翠華崎嶇又巡蜀。聖神文武何至此。堂上有入面如鬼。

天門山

惟天莽蒼蒼。乃立此門闕。山本如城。一剖鑿中斷裂。兩峰競秀倚。千古勢相憂。大江方來。逼束不得洩。潞爲無底澗。散作萬頃濶。想當割據時。閉固孰敢發。夕陽坐荒亭。詩息摹峭拔。清晨放舟出。回首見呀豁。西涼尚局促。壯觀心頗闕。安得呼化工。努力更一堰。

靈壁東

明珠大貝玉玲瓏。美人營營出淡宮。清臚一盼失英雄。羽觴行酒樂未終。陵殺氣迴飛鴻。投杯擲筋自挽弓。麾兵大戰靈壁東。血流爭波入海紅。何爲羈孤鐵馬中。搗沙折木天北風。突圍而出追失蹤。四五季間蛇作龍。

遊子吟

遠遊如飛蓬。漂泊泊天之涯。不及百尺樓。繫在垂楊堤。琉璃爲鍾玉爲竿。繁絃促管花陰下。青春此樂輸幾人。客身皇皇一羸馬。

汴堤行

長堤杳杳如絲直。隱以金椎密無迹。當年何人種綠榆。千里分陰送行客。波間交語船上下。馬頭一別人南北。日輪

西入身不飛。從古舟車無斷時。

書驛舍壁

巍巍使館開華堂。行人舊題詩滿堂。去年讀之多好語。今年重尋在何處。驛吏却忘官長來。聖以赤白漫青灰。銀鈎錯落應手沒。當時嘲謔誰爲才。嗚呼萬事祇如此。古人豪強安在哉。寄語征途往還客。不如揮落金石金石雖堅。有時滅君不聞海波成。田淮水絕。

蝴蝶行

蝴蝶飛渡河來。河北花已落。河南花正開。盈盈採花女。撲打還家去。推身飛入粉奩中。芳草綿綿舊時路。

枯柳

依枯路傍柳。種插從何年。枯條不可見。人立何巋然。輕脆豈耐久。心腹俱空穿。上無一鳥巢。下繫萬里船。想見方濃時。飛花舞青天。行人多攀折。慘淡駐征鞭。今也傲突兀。東西過誰憐。陋質非焦桐。難試朱絲絃。英華餘歲許。白蟻爭回旋。雷公飛火試一照。淡處恐有垂龍眠。

車班班

車班班。入函關。馬蕭蕭。渡渭橋。關下遊人不相識。橋邊美酒畱行客。海濶天高雲滿空。風吹日暮還南北。

落花

嶺南冬。淡花照灼。比至春初。花已落。乘閒攜酒到西園。鳥散蜂歸春寂寞。江南此際春如何。紅杏海棠開正多。歸期不及春風日。猶見池塘著綠荷。

送客到江亭

春江碧波渺天去。兩岸紅桃落如雨。主人到此送行人。落日留連會歌舞。渡頭楊柳正依依。拂水搖風千萬絲。看看亦整東歸棹。誰折長條贈我歸。

寄鄒蹇叔

西園春淡百草長。殘花紛紛綠葉光。蜂歸蝶散情已薄。獨我遶樹行如狂。亟今沽酒藉地飲。卧嗅落蕊傾金觴。醉來意氣頗脫略。睥睨天地如毫芒。狂歌大笑誰對值。山猿谷鳥啼斜陽。却息高陽舊徒侶。安得飛至坐我旁。登城引望不可見。雲峰古木徒蒼蒼。

南卒

坐食者南卒。驕與子弟俱。負甲則俯僂。荷戈不能趨。嘈然金鼓鳴。氣駭失所圖。固無一枝良。徒有七尺軀。吾聞孫子教。弱女成武夫。吾欲練汝輩。使之虓虎如。奈何天子詔。苦禁蓄兵書。軍旅非素習。壯士心踟躕。羣蠻屢騷動。主將復佐除。有急何以報。息之可驚吁。

春日行

鶯啼花笑清明天。黃金買酒斗十千。良時恣意一酩酊。醉倒扶起南堂眠。須臾更深殘酒醒。明月當窻風氣冷。閒愁萬緒從中來。幾欲長號淚如綆。

造王館公第馬上作

濯濯春容在柳稍。野梅相壓吐香苞。日邊明晦雲無定。雨後寒暄氣欲交。抱蕊懸蟲猶帶繭。銜枝飛鳥已營巢。高懷不愛三公府。白水青山滿近郊。

呈館公

礧溪莘野亦初閒。去逐功名遂不還。豈有太平辭將相。却來高卧對湖山。真心真出三千界。注想長虛第一班。踽踽朱門舊時客。冒寒衝雨到郊關。

元子發龍圖以程公詠三園詩見示亦成一篇

名園有一已堪誇。勝事三園屬一家。杖策可游緣近宅。得春最久爲多花。人居玉府真仙格。地占錢塘最物華。見說江湖堂更好。煙波情興浩無涯。

和常父

平生苦厭家爲累。今日應如痛定人。羣婢喧譁寧復有。孤燈蕭灑自相親。溫尋簡策評三豕。點綴文章學受辛。誰謂丹楓會愁客。淡秋清思滿江濱。

題夏大初丈高姑

入門已可愛。庭戶覆清陰。更有池臺邃。相連花木深。山川供隱几。風月伴抽簪。七十鬚渾黑。知公但養心。

西軒

新作朱門向水開。雖臨行路少塵埃。久藏勝境因人發。盡放青山入坐來。樹影轉簷碁未散。荷香飄枕夢初回。晚年事事皆疎懶。賴得閒官養不才。

夏書

落花寧是穢。啼鳥不爲喧。野水從侵道。青山任塞門。吏身閒似隱。官舍靜於村。開卷何嘗讀。風來只自翻。

種花口號

幽居裝景要多般。帶雨移花便得看。禁奈久長顏色好。繞堦更使種雞冠。

蜀葵萱草陳根在。金鳳雞冠著地栽。併作暑天庭戶景。淡
叢時見一花開。

次韻王通叟

春生湘浦卽當還。窮覽雲山得據鞍。灑落文章終不俗。從
容談笑尚能歡。千金駿馬將辭主。一曲琴篋掩棺。世事
相因古如此。誰知魯國累邯鄲。

夏日甘寢

迴風動水葉。細雨濕蛛絲。心下無閒事。人間有此時。微涼
紗半卷。幽夢角徐吹。此興惟吾解。見曹莫使知。

晚興

驟雨行荷葉。嘈嘈如語言。高齋正薄暮。宴坐不知喧。極靜
開心地。新涼入鬢根。交遊何用絕。自罕到吾門。

尋康林

北音融結本輕清。欲學含糊想未能。晚節絃歌應自笑。終
朝簿領更相仍。九江土壤多卑濕。三伏雲氛正鬱蒸。宴坐
知君無暑氣。風標自敵玉壺冰。

送吳全甫中舍倅無爲

海沂歌舞待王祥。喜得淮南一道堂。軍號無爲已閒暇。地
連秋浦更清涼。進趨黽勉心應懶。退食優游策最長。我住
廬山欲招隱。爲君先太種松篁。

霽夜

寂歷簾櫳淡夜明。睡迴清夢戍墻鈴。狂風送雨已何處。淡
月籠雲猶未醒。早有秋聲隨墮葉。獨將涼意伴流螢。明朝
準擬南軒望。洗出廬山萬丈青。

禾熟

百里西風禾黍香。鳴泉落竇穀登場。老牛粗了耕耘債。齧草坡頭卧夕陽。

深夜

閨寂方深夜。清涼別一天。臨風但獨立。愛月不成眠。戍漏傳聲小。庭柯轉影圓。露寒侵背側。移榻近堂前。

和朱君况卜居

吾身當老此園中。世路崎嶇幾萬重。且飽稻粱隨鴈鷺。盡將雲雨付蛟龍。求閒有志終須得。招隱何人肯見從。且爲莆田朱處士。比鄰先種七株松。

睡起

睡起西風掠鬢輕。蕭然庭院晚寒生。浮雲便作飛鴻意。細雨仍兼落葉聲。物不求餘隨處足。事如能省卽心清。山林朝市皆相似。何必崎嶇隱釣耕。

送郎祖仁奉禮

碧落聲華蓋世高。哀烏才業亦時豪。靈淵自出駒千里。丹穴今看鳳一毛。方略從容能處事。精神灑落見揮毫。東行想足資清興。江上秋風捲怒濤。

次韻孫享甫見寄

進多齟齬退爲安。未省乘軒勝抱關。半世青衫貧爲祿。新秋明鏡老催顏。紛紛江上風吹葉。莫莫淮南雨暗山。欲和佳篇寄相憶。韻嚴詞峭不容攀。

唐林夫累惠書字法絕精以詩補之

每承勞問意何窮。尤喜眞行學頗工。蕭散正如君子性。韻

平仲清江集卷之二十四
頽兼得古人風。曾經廷諍毫端直。自有家藏硯色紅。雅稱
玉堂詞翰手。枉畱山邑簿書中。

至城南別祖仁未歸約文之不至

送客柳亭晚。倚欄秋雨酣。風煙滿湖上。景物似江南。蕭灑
憐神。從容憶手談。老來心易折。離緒已難堪。

對菊有懷郎祖仁

庭下金齡菊。花開已十分。多情能惠我。對景獨思君。秀色
三秋好。清香一室聞。扁舟今夜雨。何處宿江雲。

寓興

薄寒初著袂衣裳。日景中分不短長。池館虛明開水石。園
林搖落受風霜。黃花滿盞金齡秀。白酒盈樽玉液香。未老
不須雲母粉。且教絃篋奏清商。

知郡大博臨宴公

于詩以爲謝唐林夫在席

脊溪賢守已忘形。肯屈旌旗到小亭。坐有嘉賓仙骨秀。門
無俗客暮山青。薦樽施道供蔬甲。秉燭相隨看菊齡。欲識
主人書館淡。短檠燈火漆函經。

至城東作

地形磅礴接匡廬。曠野人煙乍有無。棲畝稻粱方待穫。識
家雞犬各隨呼。農耕半嶺如僧衲。牧跨羸牛似畫圖。官守
投閒省墳棺。滿林霜露涕霑濡。

出郭二十里。依山八九家。茅岡風卷燒。土井雨推沙。凍蝶
依殘菊。幽禽立卧槎。路邊桃李木。猶發小春花。

西齋冬夕

平生疎野得江湖。歲暮西齋擁一爐。雨滴空堦如自語。風

吹長木更相呼。世間寵辱收。碁局樓上光陰入。酒壺近日
睡時全少夢。攀緣狂想自知無。

冬夕卽席作

燭滴。桃淚香蟠春蚓。灰酒花隨煖聚。酥蕊帶寒開。自有
清歌送。惟畫角催隔簾。疑曉色。雪壓數枝梅。

小菴初成奉酬元師

伐竹誅茅挂織蒲。半規小榻一方爐。不隨健鶻摩空去。且
免窮猿失木呼。自有琴書增道氣。別開世界在仙壺。幽人
欲到知何意。若說真菴彼豈無。

口占

東皇旌節下蓬壺。一夕芳菲徧海隅。紅破露花將引蝶。綠
淡煙柳已藏烏。異鄉旅食頻年久。故國風光此日殊。常是

登高牽望眼。醉吟今喜在江湖。

寄常父

紅蓮綠水本優游。清絕東南七寶州。見說新書亦多事。每
聞汾檄少歸休。少年共計駒千里。末路堪嗟貉一丘。正是
江邊桃李月。雞鳴度曲寄離憂。

春晚遣興

紛紛柳絮入簾飛。正是酴醿花發時。斷送日長惟有睡。畱
連春太可無詩。狂鞭迸筍偏當戶。綠葉成陰巧覆墀。百舌
聲中。倏然。鬢任風吹。

上巳飲于湖上

城南春已老。湖上雨初晴。草作忘憂綠。風爲解慍清。楊花
輕欲下。菱葉細方生。酒影低雲木。歌聲伴畫鸞。賞心殘蕊

在幽曲小舟橫。却笑蘭亭會。吟詩半不成。

寄題蕭文照閣

虛明敞高閣。清淺對方塘。軒冕忘懷久。江湖寓興長。紅葉開細雨。白鳥下殘陽。不挂人間事。逍遙自一鄉。

與張子明飲湖亭

小艇衝湖過。幽亭枕水虛。風來荷氣外。人在木陰餘。濕印新酒。長菱族貫魚。遙看鶴歸處。便是謫仙居。

初伏夜坐

露坐已侵夜。炎威猶未收。何言百蟲噪。無故一星流。苦渴須漿解。微涼以扇求。頒冰是今日。堆玉想神州。

送馬朝請使廣西

海水揚波今合清。秋風千里使華行。言皆有道非徒發。事

若無心更不生。談笑從容懷遠俗。琴書蕭灑寄高情。佇聞靜勝諸蠻服。何必樓船十萬兵。

八月十六日翫月

團團冰鏡吐清輝。今夜何如昨夜時。只恐月光無好惡。自憐人意有盈虧。風摩露洗非常潔。地濶天高是處宜。百尺曹亭吾獨有。更教玉筵倚欄吹。

蘇子由寄題小菴詩用元韻和

宦身粗應三錢府。吏隱聊開一草菴。擁砌幽篁從月映。覆簷喬木與天參。畏人自比藏頭雉。老世今同作蠅蠶。豈獨忘言兼閉息。舌津長漱不勝甘。

冬晝作

霜陰收欲盡。斑駁意初晴。漸喜山將出。只愁雲更生。鳥窺

平何清江集卷三十一
三十一
晡後屋雞唱午間城。灰折紅爐火微煎。傍耳鳴。

冬曉

城上猶吹角。官廳已罷更。粗疎知我性。懶惰亦人情。入被
嚴霜冷。橫窗半月明。翻身更甘寢。雞唱第三聲。

四日郡集于景德寺

冷鐸殘香僧舍開。斜風細雨坐中來。使君豈是憎歌舞。自
出琴送酒杯。是日督使者錢公在焉。著公林樂公家琴彈以娛賓。

馬上口占

澗底泉初動。山頭雪尚殘。凍條桑破眼。燒地草抽心。搖落
殊非昔。芳菲想自今。浮雲多意思。已解作春陰。

和經父寄張績

解縱梟鴟啄鳳皇。天心以此亦難詳。但知斬馬憑孤劍。豈

為推車避太行。得者折腰猶下。列失之垂翅合南翔。不如
長揖塵埃去。同老逍遙物外鄉。

半通官職萬人才。卷蓄經綸未得開。鸞鳳託巢雖枳棘。神
仙定籍已蓬萊。但存漆室葵心在。莫學荆山玉淚哀。倚伏
萬端寧有定。塞翁失馬尚歸來。

和經父登黃鶴樓

復霽重沙望不窮。坐收千里一樽中。天邊江漢波濤潤地
下。神仙窟宅通。窻影偷來溢浦白。簷光飛入沔城紅。豁然
已盡登臨興。雲閣章亭設在東。

選官圖口號

環合官圖展。觀呼象子圓。飛騰隨八赤。推折在雙玄。已貴
翻投裔。將薨却上天。須臾文換武。俄頃後馳先。錯雜賢愚

品偏頗造化權。望移情欲脫。患失膽俱懸。慍色觀三已。豪
心待九遷。寧知卽罷局。榮辱兩茫然。

次韻和常父發越州

北堂相送出城西。忍見臨分獨自歸。日暮荒村一回首。秋
風吹涕各霑衣。水通鑑曲行將盡。山似稽陰認却非。薄宦
牽攀不得已。此心何以報春暉。

題清斯堂

河流與淮接。于此一堂成。水色已可愛。主人心更清。魚潛
晚日靜。柳落秋空明。本自無塵土。何須歌濯纓。

送登州太守出城馬上作

匆匆送客出城闌。霜意方高日漸曛。青嶂倚空先有雪。黃
沙匝地半和雲。旌旗明滅隨車遠。鼓角悲涼隔水聞。正是
無憀一回首。兩行白馬映紅裙。

適值劉從道供奉往信陽鎮用前韻送之

君馬匆匆赴信陽。雖云同郡似它方。村沙卷盡黃昏日。海
水吹成半夜霜。別恨不須青草色。歸期當及小桃香。閉官
冷局遙相望。兩覺迢迢歲月長。君約春中還城下

夢錫同遊賀園題詩云誰知清淡者冬月亦登臨

寒景崢嶸歲已淡。誰知清淡亦登臨。雨吹廢館苔添暈。霜
落空城樹減陰。向曉旋畱題葉句。隔年先有探花心。相期
紅藥濃開日。一醉東風費萬金。

新作書室夢錫示詩美其清坐

新闢西垣小室城。開編靜得古人情。崢嶸老栢寒尤健。窈
窕幽窗雪更明。我愧濫巾居此地。君能領蓋似平生。篇詩

何必淡相美。綠水芙蓉豈不清。

次韻和常父

卧龍當日醉吟身。冷落天涯一旅人。早夕思親增悵望。嘯歌懷古更愁辛。角吹海上千山月。草入江南萬里春。欲去尚畱心未決。夢魂長在越溪濱。

寄常父

繚繞龍山半府陰。春來漂泊阻登臨。蓬萊閣下花多少。清曠亭前水淺深。暮靄漫天迷望目。東風絕海送歸心。新詩亦有思家意。應記當年共醉吟。

登賀園高亭

東武名園數賀家。更于高處望春華。淡紅淺白知多少。直到南山盡是花。

晝眠呈夢錫

百忙之際一閒身。更有高眠可詫君。春入四支濃似酒。風吹孤夢亂如雲。諸生弦誦何妨靜。滿席圖書不廢勤。向晚欠伸徐出戶。落花簾外自紛紛。

兄長寄五詩依韻和寄詩各有所懷

憶昔西尋山下園。芙蓉香裏醉頽然。幽篁迸筍無餘地。老木交陰不計年。徹幕旋迎秦望雨。汎杯旁引鑑湖泉。舊游寂寞今誰到。應有秋苔長綠錢。懷西園

昔同訪客到山陰。馬上相隨不廢吟。平視溪流綠煙遠。回看府宅白雲深。紛紛落塵陪高艷。浮蛆勸滿斟賓主。如今各分散。詩成長詠作吳音。懷山陰館謂沈司對

蓬萊彼此一閒身。把酒臨風送晚春。城邑萬家供氣象。湖

山千里助精神。淡林鳥語。連客野。蓮花香著。莫人今日。天涯共悵。歸心夜夜。轉車輪。懷蓬萊閣

憶昔幽尋到井儀。繁花落盡。綠陰時。雲迷步武。多相失。風入襟懷。只自知。金斗倒垂。交勸飲。玉蟾分面。各題詩。淋浪醉墨。留西壁。好事于今。刻作碑。懷井儀堂

昔尋小飲到王家。早出歸時。逼晚衙。勝奕高亭。弄紋局。擷芳淡徑。採新茶。竹邊雲過。陰相得。蓮外風來。氣益嘉。夜坐西堂。有餘興。解醒更進一銀瓜。懷王家小隱。莊莊有勝奕亭。擷芳徑。

六月五日

灑汗通宵已廢眠。起來猶覺眼生煙。黃埃滾滾。人行地赤。氣騰騰。日出天。執扇急揮風。亦執銀餅。空掛井無泉。狂心于此息。霜雪安得師。文扣羽弦。

西行

繚繞西行入亂山。白雲淡處據征鞍。薔花著雨相爭秀。棗頰迎陽一半丹。執掌未能逃物役。乾坤何處託身安。苦臺東響情無限。那更秋風作暮寒。

荆林館

古木森然滿驛庭。繁陰凌亂月分明。千枝萬葉誰拘管。攪作秋風一片聲。

次韻和張道濟長老立秋後作

萬里悄然若有霜。南山秋色兩蒼蒼。已經晚雨驅除熱。更得西風斷送涼。瀚海人空雲弄白。吳江波濶葉吹黃。知君昨夜書帷夢。半在親庭半在鄉。君蕪人親仰秦

飲夢錫官舍出文君西子小小畫真

西子蘇小卓文君。畫筆相傳窈窕真。雖有金珠并粉黛。恨無笑語與精神。一樽美酒留連客。千載香魂著莫人。醉眼恍然迷不覺。自慚心地尚埃塵。

走筆

種竹禁當雪。栽花準擬春。詩書最閒局。寢食自由身。湖外音題數。齊州問訊頻。郵筒煩郡縣。此外不干人。觸目方多事。棲身獨此堂。窗迎先得日。簷送曉留霜。散漫皆書帙。逍遙或道裝。牆東雖可隱。林下未能忘。

折柳亭

楊柳已藏鴉。高亭望物華。平時常送客。此日自離家。別酒杯何滿。征途日欲斜。醉行三十里。春息滿鶯花。
里伏驛

去家一日已。息家浩渺歸。期未有涯。滿眼春風最多恨。無言似笑小桃花。

和常父見寄

濟南風物稱閒官。兄弟偕游意益歡。幽圃水聲從地涌。畫橋山色逼人寒。別來夢想猶相接。它處塵埃不足觀。寂寞東齋又經夏。落花新葉共誰看。

銀河詠

江湖有客卧孤城。每見銀河眼亦明。萬里長風吹不斷。一番微雨洗尤清。星辰白石參差亂。雲氣飛梁倏忽生。織女東西波浪隔。夜寒天濶不勝情。

學舍

簿領如焚處處忙。日華偏向此中長。吟餘林表孤雲改。夢

覺牕間小雨涼。珮玉上趨承斗極。棹歌淡入釣滄浪。何如
瀟灑詩書局。不在山林不廟堂。

風雨有秋色。率然成小詩。呈道濟長官。

學館人歸靜若山。久陰海濕上衣冠。酣酣雨意牽愁遠。颯
颯秋聲吹夢寒。竹筴解包堆屋角。蓼花抽穗出墻端。此時
最憶吳江上。千頃煙波一釣竿。

游田氏池亭

磅礴青山入望長。古城東下見回塘。雲陰更雜梧桐影。野
氣仍連菡萏香。久處塵埃思浣濯。忽逢虛曠自清涼。主人
華髮能談笑。猶撫歸鞍恨夕陽。

熙寧口號

日坐明堂講太平。時聞淡詔下青冥。數重遣使詢新訟。四

面與師剪不庭。

萬戶康寧五穀豐。江淮相接至山東。須知錫福由京邑。天
子新成太一宮。

祇因落久紛紛砥礪廉隅自聖君。能使普天無賄賂。此
風曠古未嘗聞。

近聞寇盜理戈殳。

輸金入太鑪。百鍊剛刀斫西夏。萬

鈞強弩射

百姓命懸三尺法。千秋誰恤兩端情。近聞崇尚刑名學。陛
下之心乃好生。

新霜

皎皎寒月白。清晨霜滿林。萌芽至今日。肅殺爾何心。入水
成冰暈。迷天作雪陰。自茲開火閣。却坐小牕深。

十月旦懷夢錫

去歲 爐郡中起芙蓉幕下醉相邀今年兩事俱蕭索白
日孤城轉寂寥綠飾新茶烹下鳳浴嗟名畫展蒼鵬長篇
高出依然在千里思君不可招

寄板橋卞進之主簿

以才牽挽自由身歲暮無家寄海濱擾擾滿前人一把紛
紛趨事抱千鈞風掀駝鳥波聲壯雲倚蓬山雪意新回首
高城已搖落菊花羞逼小陽春

寄蕭虛中

平川摻袂屢星霜楚尾畿東各一鄉安得便風傳訊問只
應明月共輝光茅齋夜出猶能記古觀秋吟最不忘近日
詩成無和者思君才俊似青楊

有感時夢錫尋醫而息求免官

去歲城門坐徹晚前年火閣飯連宵當時已是嫌羈束今
日那堪轉寂寥綠水紅蓮非舊客清風明月想同寮不知
比我離高密誰向長亭拗柳條

陳宗聖縣丞往登州問有所幹以此託之

北望登州馬匹馳駝裘孤扇任風吹才聞使者方相委事
屬公家不敢辭聚落蕭條宿山縣波濤浩蕩瞰天池煩君
一上蓬萊閣歸說扶桑日出時

郡集

旋徹銀杯泛海螺故人相遇樂如何東西合作雙雙舞工
拙分為一一歌吹角共驚冬暑短添爐更覺晚寒多不須
苦鍊登州語大抵東音唯與阿

寓目

候此年華晚蕭然學館幽常閒心却悶極靜景多愁葉走
室階響雲依殿吻浮黃茅日西下戲犬在城頭

題老杜集

七月鴟鴞乃至此語言閑大復瑰奇直侔造物并包體不
作諸家細碎詩吏部徒能歎光微翰林何敢望藩籬讀罷
還看有餘味令人心服是吾師

集于昌齡之舍

一醉昏昏萬不知黃昏促席夜深歸明朝唯見家人說昨
夜歸時雪滿衣

寄內

試說途中景方知別後心行人日暮少風雪亂山深

郭公

狂渚潮初落平岡日又西蘆叢深處泊惟有郭公啼

芙蓉堂

芙蓉堂下花如錦記得當年此泊舟今日重來皆蔓草水
紅無數強排秋

弄水亭

弄水垂吾手圓波觸石堤夜深翻斗極秋霽把虹霓鳥泛
閒相得煙生望稍迷問源息杖策人指白雲西

趙屯寺

崎嶇自牛徑蕭灑得僧房壞壁題名滿幽軒背日涼澗花
時委地隣竹稍過墻歸路風猶緊垂楊作意狂

至盱眙作

郵亭繫馬日西斜。却向盱眙望白沙。春色淡中惟有柳。曉風狂過已無花。古人出處真難一。語道窮通未可涯。白水黃梁不須具。呼奴挈榼取流霞。

發青陽驛

悠悠驅馬汴河灣。幾處郵亭略解鞍。春盡榆錢堆狹路。曉陰花雨作輕寒。山川相背圖中畫。日月雙移板上丸。行役漸多身漸老。詩題聊寄旅程難。

入亳州界

羸糧襪被望都門。路出符離日未曛。清汴橫飛天上浪。方塘穩鎖鏡中雲。淮南風物多相似。江上音書久不聞。寄語此山姑待我。莫因西去勒移文。

榆錢

鏤雪裁綃箇箇圓。日斜風定穩如穿。憑誰細與東君說。買住青春費幾錢。

廢廟

靈宇何年置。荒臺漸欲平。丹青多泯滅。苔蘚太分明。棟宇非難復。威靈想不行。長林相蔽翳。惟有暮鴉鳴。

雍丘驛作

京塵漠漠稍侵衣。秣馬雍丘日未西。驛舍蕭然無與語。遠墻閒覓故人題。

蹇叔以登亭有感示予因以答之

何處登臨可極觀。危軒隱在碧雲端。千年古樹少春態。一片江天帶暮寒。人似神仙君自好。心如鐵石我難干。花紅柳綠休多語。且把詩書子細看。

清夜

夜久景逾清。行吟到小亭。梨花帶明月。銀漢淡疎星。渡水漁歌遠。巡山鬼火青。此時塵慮息。豁若醉初醒。

偶書

經歲畱南戍。頻時息故邦。青山又薄暮。斜日滿西牕。遣憤詩千首。逃愁酒百缸。何緣幸免去。歸棹破長江。

哦亭

點陰花。芽撥草根。淡春終日在東園。煙筠冉冉陰相亂。燕雀啾啾語自繁。倚伏萬端寧有定。是非一致亦何言。誰能伴我哦亭上。爛熳同斟濁酒樽。

南陽集鈔

十五

韓維字持國。開封雍丘人。父億參知政事。維受蔭入官。父沒。閉門不仕。歐陽修薦爲檢討。知太常禮院。出判涇州。英宗免喪除。同修起居注。侍邇英。進知制誥。知通進銀臺引。神宗初。除龍圖閣直學士。充羣牧使出。知襄州。許州入爲學士。承旨。會其兄絳入相。出知河陽。知許州。提舉嵩山崇福宮。召兼侍讀。加大學士。拜門下侍郎。出知汝州。以太子少傅致仕。轉少師。紹聖中。坐元祐黨。安置均州。元符元年卒。年八十二。徽宗初。追復舊官。維同時唱和者。爲聖俞。永叔。其深遠不及聖俞。溫潤不及永叔。然古淡疎暢。故足爲兩家之鼓吹也。餘騷絕句。在集中不足數。而世盛稱之。古今豈有定論哉。

講武池和師厚

滄池擬漢勃莽漾豁厚地日吾神祖爲氣象固宜爾六合
昔未一教戰出精銳至尊降黃屋慘淡乘金氣凌波飛百
艘撇烈苦鶻翅揚旌萬旅謀伐鼓九淵沸其行速天旋其
止甚陰閉信乎王者師足以服睽異邇來承平久地與兵
革廢秋風長蒲葦爛熳失洲沚惟見金明上結構銷繡綺
春遊駐天蹕萬國奉燕喜鏗鉦鼓鐘響雜還羽旄美豈惟
與民樂施及魚鳥細宏哉艱難業愉快逮萬世

答蘇子美見寄

暮春游京洛適與夫子邁衣焦未及展挈酒且相就佳林
延涼廳廣廈蔭清晝浩然塵慮醒坐看天骨秀殷勤述平
昔感歎道艱疚談辭足端倪懷抱去蒙覆志願始云獲睽
攜遽然又君舟旣南馳我馬亦東走還譙寡儔侶孤學日
以陋高風邈難親離抱曷其救得君別後詩滿紙字騰驟
汪洋莫知極精密不可耨峻嚴山岳停奔放江海漏伏讀
晝夜并文義僅通透有如享太牢繼以金石栢惟君抱雄
才文字乃兼副要當被金甲獨立諸將右指揮神武師爲
國縛狂寇獻俘天子庭功以鍾鼎鏤勉哉後其時此論講
已舊

送趙員外之官憲州

仲扶岷峨秀弱歲儒其冠讀書覩前古飽見萬事端行邑
去畦町爲文鄙彫剜應舉二十載不免瓢與箠西游秦函
國崆峒上巉岼却視關塞廣有如掌中丸攻守勢所利浩
然入窺觀是歲羗事作賊兵犯鄜丹君懷濟時略忠憤激

肺肝上書伏兩觀音辭若琅玕臣策儻見用坐令氣殫
天子壯其語且使位以官黃綬繫腰下行行不違安炎天
風塵多遠道車馬單餞觴不親酌曷致朋友權今茲塞垣
將所在麾旄孰能謀而毅孰能正以寬孰用賞不信孰
爲刑不殘諒非專達任易以奇畫千度幾成大功展子凌
霄翰顧我頑鈍者託契歲屢寒贈言非所工當否聊一着

答王詹叔見寄

詹叔好古者卓立自旣冠有如騏驥兒一縱不可絆近聞
治周易顛倒爻象彖此書號精微義與天地貫吾知子之
道不止今所歎新詩溢巾幅見寄警庸懦噴薄百丈泉峭
絕萬仞岸感激氣爲振把誦手屢盥陰風吹寒城歲暮雲
物換丈夫及壯時功烈當照爛無爲但默默飽食大軀幹
爲報乏瓊玖君其取章斷

立春觀杖牛

清霜涼初曙高門肅無譁行樹迎初日微風轉高牙茲辰
亦何辰見此氣候嘉有司謹春事象牛告田家微和被廣
陌纓弁揚蕤葩伐鼓衆樂興剡剡綵杖加盛儀適云已觀
者何紛拏因思古聖人時做在不差禮實久已廢所重存
其華吾非魯觀賓胡爲亦咨嗟

魯恭太師廟

善政邈無跡其流在民心君看魯太師廟食猶至今豈如
文俗士朱墨坐浮沉趨營止目前不顧患害深去漢餘千
載此弊竟相尋我行道祠下感激爲悲吟不見田雉馴啼
鴟空滿林

晚步

愛此霽景佳。捨舟步高岸。夕陽照渡口。急急水紋亂。霜鴉

舟中夜坐

晴霜落波底。斗柄插堤外。扁舟燈火明。樽酒夜相對。臨歡

別後作

朔風吹鷺鴻。行列失後先。蒼蒼雪壓船。齒齒水着岸。離馬

送王氏兄弟

抱疾伏田里。晨昏結煩憂。如彼衣上垢。歲久不可湫。忽聞

飯梯泗。稍復收南堂。夜相對。油然破離愁。雖無盈樽酒。清

讀杜子美詩

寒燈熠熠宵漏長。顛倒圖史形勞傷。取觀杜詩盡累紙。坐

無方。

覽梅聖俞詩編

夙昔誦佳句。跂予慕高風。何意憂艱餘。邂逅此相逢。君初應府辟。捧檄來自東。引車窮簷下。眷然顧微躬。姿表穆以秀。純德信內充。乃知文章作。中與性情通。煌煌新詩章。粲光照昏蒙。啓櫝挹荆璞。引筵撞景鐘。高篇屢云闕。遠思殊未終。譬如巧琴師。哀彈發絲桐。中有中淡意。要以心志窮。顧惟昧者聽。莫辨徵與宮。安得牙曠手。提耳發其聰。

西墅

城居不爲愜。言適西陂岡。雀噪野堂靜。雞鳴春日長。書棚落幽藟。佛幔掩餘香。釋子廬巖至。清談殊未央。

對雨思蘇子美

五月陰盛暑不效。飛雲日夕起嵩少。回風颯颯吹暮寒。翠竹黃蕉雨聲鬧。北軒孤坐默有念。人生會合那可料。昔與子美比里閭。是月秋近足霖潦。吾徒無事數相遇。日策疲馬度深淖。升君之堂伏君八。果餌羅列亦稍稍。開樽得酒味已醉。輔以諧謔聊可醺。長歌激烈或孤起。大論紛紜時一譟。颯然夜氣變淒栗。連披短褐曳顛倒。且欣主人同氣類。安問鄰家厭呼笑。而今相望各千里。跼促有如魚在罩。人生此樂不易得。世事榮辱何足校。行當結侶候春水。一訪洞庭湖上棹。

和三哥入山

巢由沒已久。風迹曠不嗣。長嘯箕穎間。悲風肅然至。傳聞龍山下。茅屋架三四。中有隱者棲。讀書樂仁義。飽觀人事變。深鈎易象秘。耕田給衣食。鄉里霑賑遺。呦呦山鹿羣。摩

撫馴不畏。乃知至仁心。足以通異類。聲名自馳擊。我心晏
無累。寤寐想斯人。安得同所致。

從道損勇乞移山藥

弱歲抱衰病。好讀神農經。雜然衆藥品。猶識性與形。商餘
巖谷間。厥產芝朮菁。山家乘冬採。氣烈味亦并。常思負籠
往。斷此地氣靈。近聞山旁縣。移本來公庭。石泉尚含潤。溪
風有餘清。想象春叢敷。燁燁揚華英。駢羅良可佳。疲滿宜
見矜。安得畦畹餘。種食羽翼生。

答崔象之見謝之作

陰風吹沙走長衢。方駕往過君之廬。主人好事樂剛尚。揖
我謂我非俗儒。欣然開館掃塵榻。語論清簡發不虛。投冠
釋帶聊自放。安用俗禮空囚拘。分朋四座鬪巧奕。聊以勝

負爲歡娛。呼兒稍稍出珍玩。瘦器礪礪承枯株。持竿拂壁
似有重。最後乃挂雙海圖。云昔武皇恃威壯。驅石塞海怪
可吁。鞭笞鬼神各就事。簸弄旗幟翻以舒。魚龍驚逃波浪
惡。左右出沒揚牙鬚。但憐物類頗幽怪。畫手安辨曹與吳。
北軒却下步小徑。竹深桂淨何縈紆。我來方冬氣凜冽。已
愛翠色侵衣裾。卽看春風撼茅甲。定見紅紫相欹扶。乘閑
取醉更何適。主人勿遽嫌喧呼。

送孔先生還山

先生樂道者。於世淡無欲。高風自絕人。正行不違俗。竭來
城闕游。不受塵事觸。日久望林壑。駕言反幽築。家臨滄水
陽。路轉春山曲。東風吹百花。紅紫滿巖谷。蠶桑事未起。農
里得徵逐。社酒濁易求。山蔬晴可斲。幽尋月吐嶺。高卧日

照屋應念塵中人。胡爲自羈跼。

送謝師直歸馬上作

送客西郭門。適與佳賞遇。雜花被原野。南盡遠目注。樸樸亂朱紛。濛濛疑白霧。林下風正柔。繁香不飛去。日長人意閑。歸騎歛不遽。陶然行且歌。良愜靜者素。却念陌上人。春愁紛似絮。

新植西軒

誰謂我圃隘。栽插向盈畝。鑿軒西臨兌。規地北占酉。陽條散繁柔。怒甲擊故朽。封培童僕勞。窺看孩稚走。雖非觀游盛。要是吾廬有。壤疏人力薄。開發定遲後。所賴春風意。與物無薄厚。居閑日蕭散。對此自成偶。問吾何所爲。卦象觀六九。問誰之與處。達者二三友。爲生昧機利。於事寡營取。但願花常好。酌我樽中酒。

鋤園

上天浩無私。衆草同一榮。青青十步間。薰臭相雜并。卉藥數不多。十百其品名。蔓者善緣附。結陰在高甍。脩竹雖自立。已復困纏縈。其餘叢與株。蕪沒不自呈。陰蟲穴其下。日夜百種鳴。紛然亂耳眼。我意初不平。朝鋤忽以靜。暮雨且復生。自念疲病者。莫與地力爭。盛衰固物理。安用勞我形。

孔先生以僊長山水略錄見約同遊作詩答之

羣峰羅立青巉巖。中有佛廟名香巖。飛泉洶涌出峰後。四時激射喧蒼巖。跳珠噴雪幾百丈。下注坎險鍾爲三。援蘿頰瞰石底淨。明鏡光溢青瑤函。淙流四走渠與竇。左右吞嚙何其饒。緣源散討不知極。但見洞穴爭嵌嵌。攀藤直上

出雲背巖戶閉。邃疑神緘。仰窺陰洞。看懸乳。白龍垂鬚。正
鬢髮。或凝如蓋。覆宛宛。或散如指。長摻摻。有臺高下。且十
數。如以勢位相臨。監平鋪老蘚。柔可坐。誰藉綠芻。遺不拈。
北山之石。何瑣碎。形制一一。如鑄鑱。叩之清越。諸谷應。不
意此地。聞韶咸。已霜桂樹。垂凍壁。未臘梅。蘂輝晴嵐。浮屠
曰。僊好事者。奄有勝跡。窮搜探。書之遠寄龍山下。云此僅
止存都凡。先生以本來示我。謂我所好。同甘鹹。相期歷覽
在他歲。事高意篤。非予堪。人生蕭散。不易得。常苦世累爲
羈銜。吾徒幸當治平日。况又無事於牽貪。便須巾車不可
後。願以八杖從君南。

西園

西園日修整。竹樹相綴屬。春華雖未敷。氣象鬱函蓄。密雨

昏遠林。輕寒旁修竹。於此隱八坐。物我同一目。弟妹四五
人。時來問幽獨。我云憂與樂。在志所追逐。無厭萬鍾。兼有
道一簞足。置是不須議。春醪滿罇綠。

治圃

久雨地氣泄。百草日以滋。勃然翳我圃。積弗不可治。遂令
蕭艾質。唐突蘭蕙姿。鴻鵠不肯下。跳蛙恃而嬉。長林困纏
繞。蘿蔓鬱四垂。青雲避蒙密。白日爲蔽虧。久與人跡絕。陰
有物怪窺。涉秋月旣仲。雉人事芟夷。援斧一揮拂。榛蕪爲
之披。俯憐蟻穴亂。坐聽蟲響移。濯濯行樹色。涓涓佳菊枝。
涼風自西來。衆葉光參差。墻堵豁已去。南亭見華榭。却下
走直道。無復蛇虺疑。維此時嘉朔。飲射之所施。失前
穢。放懷得新怡。如昔漢初定。禮法壞不支。叔孫剗秦弊。樹

茅薤其儀。皇皇天子庭。一旦羅尊卑。表位肅以整。衣冠紛
陸離。圃也不足道。拔邪亦由斯。作詩試永歌。積涕下交頤。

游城南雙塔院

軻峨郭南門。臺殿歷長路。青林四面合。飛鳥不得度。房擁
僧獨禪。庭喧鷓正。高蘿走蒼栢。丹花下垂布。中園饒桂
果。結子滿朝露。久從城邑居。樂與清境遇。坐聽百禽響。甘
晏不忍去。微雨西北來。颯爽動林莽。歸鞅一回首。孤剎屹
當午。終期濯涼風。杖策縱高步。

同陳太丞遊龍興寺經藏院

空堂洒寒水。碧楸涼漠漠。高眠得珍簟。委弃巾與屨。薰風
穆然來。殿角鳴金鐸。清香有時聞。幽鳥無聲落。論詩愛平
淡。語道造冲寞。非吾方外友。誰當共茲樂。

和晏相公湖上遇雨

公堂日多暇。薄暮遊清池。孤雲從西來。若與飛蓋期。急雨
亂荷芰。紅綠左右披。沙禽帶濕起。簇簇守前坻。煙樹晦空
曲。蟬聲寂無遺。殘炎一洗濯。霽景開林西。禽飛還清波。蟬
噪復故枝。晚槿揚朱華。秋草含碧滋。篙舟出堤去。微風滿
平漪。卷幔極悵望。正見隗與箕。舉酒無塵情。慨然起遐思。
永懷古先訓。默蹈通介宜。乃知賢哲心。所得非遊嬉。

答曼叔見寄

日君同里閭。杖履數相過。靡爲不吾咨。有倡必君和。春風
南陌遊。炎月北窗卧。貪從德義樂。不覺歲月破。而君宦遊
者。動足落羈瑣。襄城雖近邑。去局有重坐。子來誠獨難。我
往義當果。時天雨方霽。綠樹垂穰穰。策馬望城郭。青山映

煙火解衣塵慮清。垂箔月華墮。伶君九品賤。志尚勇不挫。
乃云曹事簡。經史日自課。出詩且百篇。語法就平妥。相別
不滿歲。美譽亦已播。顧慙糠粃姿。幾不見揚簸。投章匪云
報。亦用警庸悞。

答象之謝惠黃精之什

仙經著靈藥。茲品上不刊。服之歲月久。衰羸反童顏。巖居
有幽子。乘時斲蒼山。溪泉濯之潔。秋陽暴而乾。九蒸達晨
夜。候火不敢安。持之落城市。誰復着眼看。富貴異所嗜。口
腹窮甘酸。貧賤固不暇。錐刀乃其干。坐使至靈物。委棄同
草菅。惟君冲曠士。敦然守高閑。食之易爲力。天和中自完。
故以此爲饋。其容幾一簞。報我三百言。浩浩馳波瀾。何以
論珍重。如獲不死丹。方當煩燠時。把玩毛骨寒。它年靈氣

成與子驂雙鸞。

奉和象之夜飲之什

淫陰泄爲雨。十日瀉不停。蓬蒿長四壁。濁潦流縱橫。嗷嗷
鶴羣游。閤閤蛙亂鳴。端居積幽抱。沈鬱久未平。是時甫幾
望。月魄嚮已盈。浮雲失四顧。孤輪午亭亭。微風濯炎熱。衣
巾凜餘清。起我不暇懶。超遙步前庭。煩憂忽以去。曠如出
幽囚。顧謂汝妻子。速具煎炮烹。同里四五人。予期得邀迎。
隨時具蔬菓。飢餒甘與青。雖無水陸珍。亦足侑盃觥。所期
在乘興。豈問多品名。諸君於我厚。匪貌實以情。從容談笑
間。蕩不見府城。看來必虛反。觴至無留行。豈惟清言勝。或
以善譴并。高風揖巢許。曠論齊殤彭。不知軒冕貴。直以道
義榮。置身豈非德。撫事臨若驚。上天作陰沴。降水災吾氓。

茫茫野郊外。浩若翻滄溟。垣廬隨波盡。稼穡安有成。所聞此害廣。郡國多所更。吾君急病民。定見寬稅征。困廩無蓋藏。何以活鰥寡。我曾不是恤。方以口腹營。念始昔從學。潛心於六經。頗知聖人道。要在及蒼生。胡爲取自足。而不推其羸。頑然度歲月。如龜守坳泓。中而復自息。此其義所寧。聖朝盛搜拔。列位羅羣英。晨興朝國門。冠蓋多於星。呈材必夔稷。抗議皆顛闕。雙鳧與乘鴈。未足關重輕。奈何不知量。欲以愚自呈。退之亦有云。其猶進豨苓。不如且飲酒。茲事未易平。

同曼叔遊高陽山

久聞高陽勝。近在汝州側。跋予三年望。我願今卒獲。煙雲雨兩山。臺殿開半壁。解鞍高林下。仰視怯登陟。蒼松盤老枝。矯矯入簷隙。微風韻其上。落耳寒惻惻。枇杷兩高樹。中國所未識。葉間青實駢。大與蜀土敵。我來暮春後。花草已狼藉。不見躑躅紅。西巖向人碧。出門步榛薈。微徑不可索。援蘿下幽澗。剝蘚題蒼石。鳥啼無定音。虎鬪有遺迹。石臺平挺挺。野竹瘦歷歷。主人尉下邑。奔走因符檄。喜我蕭散人。幽奇共搜剔。息陰時一憩。貪勝還自力。歸時山氣冷。草露濕遊屐。舉手謝峰巒。高秋復來覲。

同曼叔遊菩提寺

高城如破崖。寺帶喬木古。禪房掩清晝。佛畫剝寒雨。荒池野蔓合。濁水佳蓮吐。蕭條聯騎遊。淡薄對僧語。秋風日夕好。勝事從此數。

遊漢高帝祠

平橋架荒塹。東上大岡尾。岡頭古木合。有廟蔭其底。攝衣陞殿堦。龍顏儼當几。蝙蝠畫帳喧。鼠噉珠旒墜。不知誰來祀。狼藉樽與簋。殘碑壓鼇背。上有太和字。去此數百載。文剝失所次。伊人昔經構。視漢猶視彼。徘徊懷古意。日暮悲風裏。

朝發靈樹寄曼叔師厚

朝發雲樹東。曠野陰氣積。驅馬入草間。左右號鶴鷄。重雲黝玄幕。孤月隱白璧。歛危涉塗淖。轉側緣溝脉。涼風滿川陸。眺覽多所適。却想會合樂。轉首已成昔。諸君豪俊士。經訓飽搜擿。上下古與今。抗論堅莫敵。顧我處其間。傾聽但踟躕。校士豈所當。直以氣類得。譬如禮天壇。圭璧奠且植。陶匏以其質。並列不爲惑。論心見表襮。吐口出白黑。朝案每共飲。夜牀仍抵蹠。嘲諧間一發。清笑高蹇蹇。自謂得如此。至死無厭斃。敢於百里間。而憚轡與策。因詩謝所惠。酬篇無我默。

涇城

鬢鬢二三騎。南並橫山去。山窮遠川出。始見涇陽樹。荒城蘿葛合。表裏無寸土。但聞鳥啼聲。不見鳥啼處。呼兒開棘扉。掃榻坐茅廡。清泉給盥濯。涼風生仰俯。濁醪稍似佳。山菓來近圃。始酌薰然和。中飲淡無慮。案頭伏羲經。編絕幾見補。先生發其微。大義談四五。紛攘自諸家。簡易獨太古。形骸非我有。冠帶尚誰取。道存固匪外。兩致默與語。是時季春望。山月夕已吐。清光出深竹。葉上露如雨。寒侵毛骨生。思有煙霞舉。却念人世間。紛紛何足數。

晚過象之葆光亭步月

浮沉閭里間。放志謝維繫。行貪月色靜。歸犯霜華濕。寒鼓出城重。飛星過樓急。却想竹庭下。主人猶獨立。

曉出郊過方秀才舍飲

浮雲散朝陰。初日動晴煦。行隨風葉遠。去傍田家路。人關無遽色。馬緩有安步。遙識主人舍。青帘出霜樹。

送寧極還山

晨水結車轍。朔野風正厲。君行良亦勤。正與苦寒值。超然出門去。曾不顧我議。譬如雲飛鴻。勢不受維繫。開籠恣其往。萬里在展翅。場功十月畢。田家足幽事。兒童樵牧歸。荆扉寂已閉。燃薪燭茅屋。並坐姪與弟。自愛村醪熟。或以山鹿饋。凍蔬斲青黃。寒藥煮根柢。從容溫飽間。萬事一無累。

嗟予不得往。注目雲接地。

答曼叔見謝穎橋相過之什

時寧極先生同往

穎川今古賢豪多。後生繼者爲誰何。吾交曼叔少挺出。力自樹立非由它。潛心直欲到聖處。論議不避況與軻。讀書下筆知所趣。崇樹蘭茝遺蒿蕪。軒昂頭角事高大。肯與世俗同其波。一從得官坐山縣。有如鷲鳥着網羅。朝符暮檄困奔走。尚畏官長來誅訶。時時矯首塵埃下。窺覩風月偷吟哦。我憐軼才就鞿絆。歲一往視無蹉跎。扁舟遠放汝水岸。濁酒暮醉高陽阿。前時捧牒來穎上。謹視歛糴譏姦訛。官曹寂寞古寺冷。况值朔雪飛僮僮。馳書里中二三友。固要以義當予過。星言整駕夕已至。霜橋晚度氷峩峩。燃薪暖我煩飲我。斟酌脯醬調鹽醢。傾壺舉觴紛左右。客飽而

笑君顏醜危然正論中。法義豆蓬羅列陳象犧。嘲排乘醉
忽以發。駛如鑿水放九河。哀絃孤引四坐寂。繼以簫笛相
諧和。先生久與人迹絕。心如止水形枯柯。忽驚此樂非外
獎。不覺撫手促而歌。歸銜絡馬屢見奪。欲去未忍還婆娑。
空堂想見別後意。一燈夜守陳編哦。興來落紙成大句。勢
欲李杜相凌摩。緘題見寄邀以和。大江洶湧難爲沱。短篇
澀訥非所報。爲我揮筆芟煩苛。

南溪

長林拂雲根。一逕絕城腹。荆扉帶翠樾。斗下地愈束。清溪
自南來。勢抵北崖曲。清平水流漫。東去入脩竹。境幽百物
遂。魚鳥得所欲。况依仁者居。不與鈎彈觸。有如佳賓至。相
與娛聽矚。鳥飛鳴我傍。魚泳出深淥。薄暮登前岡。四顧山
在目。雨滋春稼繁。風動野花馥。達人樂天性。不待外物足。
遂令茲地勝。久不事營築。顧我指崖下。秋當結茆屋。渠波
環古臺。輦石坐幽澳。霜前復來觀。兔肥山酒熟。

陪寧極回馬上作

我有龍陽約。垂駕輒復停。念與高士期。不宜後其行。春風
三月尾。澗谷花草明。尋花踏幽草。南出山脚青。婆娑一古
樹。是日先生庭。館我茅簷下。山瓢日夕傾。摘林釘朱實。掘
竹羞紫萌。朝聽谷禽響。夜對山月清。高論簡以正。疎懷淡
無營。徒知服深遠。難用一善名。維也少頑鈍。幾爲世網嬰。
一親德義遊。頗見外物輕。門牆儻可依。他時來執經。

答公懿以屢游薛園見詒

抱病積閑縱。世味頗能淡。惟於山水娛。自謂老不厭。况茲

伊洛間久畜游賞念。幽扉深隱竹。小約度平塹。解鞍庇清
陰。拂席見殘豔。長溪自南流。小閣忽東瞰。游人坐兀兀。鳴
鳥來泛泛。蟹潛石穴幽。魚泳柳根暗。川童或羣嬉。林女有
孤覘。醉觴豈留行。吟筆靡停占。臨歡興何長。遵事迹猶暫。
伊予志巖壑。偶官祿石甌。要須三徑足。歸跡便可斂。買林
接婆娑。鑿澗分激澗。田廬常閉門。野艇時放纜。聊書平生
懷。特爲異時驗。

寶應寺

林巒若無路。鍾磬時出谷。鑿石排僧龕。研金畫佛屋。日沒
上方夕。明燈滿雲木。

利涉塔院

院有呂文穆讀書堂。利涉法師塔。

許公讀書地。塵像一來拂。門掩僧不歸。簷低鸞飛出。高人

不可見。石塔鎮寒骨。

盧溪

盧攜讀書處。

伊人沒已久。溪溜亦如綫。淳氣揖老僧。清陰坐春院。始悟
入山深。幽林鳥聲變。

西溪

我從南嶺來。引轡下雲木。不知溪流處。但見翠滿谷。涼葉
覆山泉。脩篁翳茆屋。

答原甫試墨見詒

金壺道人丸泔墨。持賣都城人莫識。君先得之寫大句。光
與目彩相吞蝕。句精墨妙氣怒豪。意欲斬鯨連巨鼈。鯨鼈
天地兩微物。何足辱吾鈎與刀。丈夫卷舒固有道。願君少
安無草草。都城不獨墨好酒亦好。安得不飲自枯槁。

和原甫去年對雪思梅今年對梅思雪
中州寒燠與南異。常恨梅花開不早。今年朔雪冬不飛。臘
月繁英似南好。君憐芳物感時節。愁見高風凍雲掃。苦嗟
十九不稱意。徒自令人顏色老。雪遲梅早非我力。會使金
樽日傾倒。

奉同原甫槐陰行

天門觀闕雙凌霞。下有馳道開平沙。高槐左右覆朱戟。綠
陰翠氣相蒙遮。朝回巨雲下寶騎。游散掣電奔香車。我慙
太學官况冷。日暮出此驅疲駟。清風吹涼南就局。炎日轉
景東還家。昏然百事不知省。空復春葉零秋華。

和冲卿晚秋過金明池

聞君西郊行。正值秋風晚。清霜卷枯荷。碧玉瑩池面。浮空
結脩梁。涌波抗華殿。雲煙渺淨色。覽望一蕭散。緬思暮春
際。都人盛嬉燕。連帷錯繡綺。方車騫金鈿。填填鼓鐘響。耳
目厭譁眩。乃令塵囂辭。而有清曠戀。達人冥至理。喧寂無
異觀。偶然乘化往。何適非汗漫。吾知禦寇游。所樂在觀變。

和永叔小飲懷同州江十學士

翰林文章伯。好古名一世。家無金壁儲。所寶書與器。北堂
冬日明。有朋聯騎至。新樽布八案。二鼎屹先置。大鼎葛所
銘。小鼎澤而粹。坐恐至神物。光怪發非次。羣賢刻金石。墨
本來四裔紛。穰羅卷軸指。擿辨分隸。其中石贊藏。家法非
一二。精莊與飄逸。兩自有餘意。典來輒長歌。歡至遂沉醉。
顏飢足。簞瓢韓飲尚。文字乃知內。可樂不必鐘鼓貴。溫溫
江馮翊。茲理久所詣。賦詩多雅言。嗜酒見淳氣。歲晏不在

席使我長嘆喟

奉同原甫賦澄心堂紙

江南國土未破前。澄心名紙世已傳。高堂久傾不復見。誰謂此物猶依然。當時萬杵搗雲葉。鋪出八紘滑且堅。剡溪藤骨不足數。蜀江玉屑誰復憐。君臣嬉燕盛文采。駢章儷曲鬪巧儼。一朝零落隨散地。中原篋笥生光鮮。君安得此尚百幅。題以大句先羣賢。羣賢落筆富精麗。瓊瑤寶玦相鈎聯。嗟予材力豈當敵。雖欲強賦何能妍。耽獨玩物古所戒。崇尚浮藻政豈先。江南可哀紙可惜。後有觀者存吾篇。

同勝之明叔游東郊

仲冬景氣佳。曠然息遠涉。晨遵大堤去。寒日在馬鬣。浮屠紅塵外。樓殿煥層疊。地遐景幽閑。瑤碧秀林葉。清香時出箔。餘經尚委笈。躋閣眺遠陂。浮陽來曄曄。花枝亦已柔。行見春露浥。久耽田野樂。况與賢俊接。逍遙永日暇。塵事不過睫。昔人重時晷。所志樹勳業。慨予胡不然。空陋無所挾。詩情朝生腸。酒氣暮醺頰。陶陶大化內。得此自為愜。諸君能我從。游履方屢躡。

次韻和平甫同介甫當世過飲見招

炎風得秋亦已涼。喜抱塵策羅南窗。策中古人不可見。獨詠君子予心降。高文大論日傾吐。響快有類鐘應撞。却嗟吾儕多暇日。俚謠一作暴謔何其唳。驅車正得我所念。起具有藪陳杯缸。自憐愚戇接豪邁。弊履乃與華冕雙。聖經王道有本末。剗挹醇粹揮其尨。須臾上下今與古。武庫攫攫千矛鏃。疑懷滯義一開豁。有如暗室來明缸。馮侯抗議

亦殊健。短鈎長鉞相撐撻。介卿後至語閑暇。偃載戈甲韜
旌幢。弱弓枉矢尚何用。久已束手甘避逢。是時君有山陽
役。扁舟已具河之砥。朝吟淮山翠撲撲。夜夢楚水鳴淙淙。
軒然欲去坐所惜。文字雅正姿信慳。行年三十不得飽。况
有薦道登朝邦。遂令奔放不自斂。欲旅漁鈎終湖江。朝廷
搜賢無遠近。北盡塞漠南嶺隴。如君才大齒且壯。安可推
亮而居龐。來詩云孔明功名得時看樹立。豈若都尉眉空
龐。

和吳九王二十八雪詩

方冬氣潛溫。得晚陰始重。狂隨風力翻。怒若雲面涌。中微
玉霏屑。後盛毛紛毳。寒光動城闕。甘滋入田壟。鵬鷺海以水
飛。驥憤鹽車曳。紫樓巧作層。覆道高成甬。羣方破昏靈。萬
物被光寵。塗歌涵太和。送賀仰高拱。判官坐丞華。詩掩
垂隴。貂裘擁宵談。金盃落晨捧。此興吾不薄。君門日當踵。

答曼叔客居見詒兼簡里中諸君

少乏經世才。引分甘自置。不意田野姿。尚為軒冕可。三年
太學館。飽食無所議。京都多賢豪。出入許陪廁。時從騎省
吟。或就步兵醉。低回衆人內。自謂處身智。耽耽秘書府。實
待才俊地。乃昏落其間。衆口沸嘲詈。茫如觸駭機。狂顧不
知避。忽逢故人來。一道平生志。歸心西南飛。勁疾霜後鷲。
遠慙龍陽隱。寧極處士近愧葆光吏。象之官不去里。葆光所居亭名。詩以謝諸
君。顛冥非我事。

南堂對竹懷江十鄰幾

端居無所聊。稍覆治文字。南堂冬日明。窗戶暖可喜。圖書

羅滿前意覽不由次聊收靜者趣以亂憂人息亭亭當軒
竹使我長歎喟封植苦不早顏色頗顛顛勁節亮不改虛
心如有遲紉懷江夫子循道久不試邈然高簡姿不受世
俗累一官才復進左謫良何亟德義我所珍軒冕安能貴
長嘯汝水濱濁醪日自醜效陶有新篇君詩多効陶潛翼孔著高
議君著春秋左氏傳論絃琴坐虛室默與古人值顯晦一其心淡然
天淳粹思之不可見暑謝寒已摯諒非對此君茲懷何由
慰

和子華兄晏王道損公字

濟濟高燕會衆賓且喜樂方冬氣常溫是日寒始若愁雲
際平林垂見雪花落四座喜相顧有引必虛爵中堂豈非
佳東圃羅帟幄當亭列射格抗的明灼灼彫弓既出報勁

矢各在握主人揖讓興客以次序作目端綵樹移心傾鳴
鼓數笑言何儀節亦稱妮酒酣事頗變極口縱談謔
失令固有罰出語輒見酌平生愛疎放論議鄙齷齪歡來
一狂散豈顧醒後作詩人亦有言善戲不爲虐所賴衆君
子闊達見表襮還家遂醕酌豈復記鳴柝

送李寺丞宰藍田李久別居

君誠巖壑徒出宰亦山縣尚喜終南峰蒼翠不去眼春風
吹征車千里度灑澹到日勝事繁花光老秦甸

又和楊之美家琵琶妓

楊君好古天下無自信獨與常人殊勤身所營世或棄反
眼不顧我以趨彼其察物類有道能取精妙遺其麤官卑
俸薄不自結買童教樂收圖書客來呼童理絃索滿面狼

籍施鉛朱樽前一聽啄木奏。能使四生改觀爲歡娛。有時
陳書出衆畫。羅列卷軸長短俱。破縑壞紙抹漆黑。筆墨僅
辨絲毫餘。補裝斷綻搜尺寸。分別品目窮錙銖。以茲爲玩
不知老。自適其適誠君徒。豈無高門華屋貯妖麗。中挂瑤
圃崑崙圖。青紅采錯亂人目。珠玉磊落焚其軀。苟非絕藝
與奇迹。揚君視之皆蔑如。揚君好古天下無。

遺吳冲卿大饗碑文

蒼碑剝龍螭。突兀古殿側。世變文字異。歲久苔蘚蝕。諒非
好事者。塵土未嘗拭。我來仰首看。百過不自息。曩者魏方
盛。帝丕託威德。馳驅百萬衆。南指斗牛域。誓將殄氛祲。飲
馬長江邑。翠華鬱回翔。高會誇故國。肅肅環珮響。煌煌羽
旄飾。鼓鍾何鏗鏘。淮漢爲震仄。罷饗示得意。摛文永鑠勒。

從臣梁孟皇。隸法當世特。奉詔無與讓。淋漓奮其墨。爾來
幾千歲。卓卓見筋力。端莊九鼎重。勁挺羣珪植。威儀商山
老。氣象漢庭直。惟昔銘柸戈。先儒固難迹。况我蔽陋極。視
此空歎惜。常恐日磨滅。不辨點與畫。呼工模於紙。一掃見
白黑。緘包比瓊瑤。把玩廢寢食。于時大經九。有詔講謬忒。
刊之太學中。爲後代法式。冲卿邦家彥。學問古今積。辭端
海鯨運。筆力霜鷲擊。况茲服儒官。洒翰固其職。楷模所流
傳。歷世動千百。自非體法正。徒使觀者惑。厥初篆草隸。根
本君已極。聊持釘張翫。庶以叅得失。

飲聖俞西軒

歡常以飲合。歡意則非外。今吾二三子。共此西軒會。主人
吾儒秀。言與二雅配。酒行倡大論。文字畧瑣碎。上言評人

物要當本諸內。下言譏爲學。不以滿自擊。唐之衆詩人。區
別各異派。一經君子評。斂鑿音棄。批音。糝音。予曰。吾聖俞名足
通後代。答我文如韓。尚有六經在。况吾何所立。聞譽若抱
藁。聖俞善誘掖。斯語不無戒。意欲令吾曹。事業進以大。我
雖頑無能。聞此亦健快。呼觴滿自引。不畏坐客怪。歸來書
短篇。聊以記所佩。

答賀中道燈夕見詒

春風揭屋沙。激窗兀然孤。坐如植柱。酒昏兩眸澀。不視案
上書。策徒擬擬。獨待高篇恣哦詠。頓覺精銳還。軀腔前時
官家不禁夜。九衢豔豔燒明缸。綠山插天衆樂振。游人肩
摩車轂撞。君於此時守經籍。直欲行業絕不尫。想初嘉句
落紙際。筆下袞袞來長江。我今散懶世味薄。惟於靜者心

爲降。江翁蕭閑梅老淡。文字酬酢交矛鏃。恨無奇麗與關
角。日策疲馬參其雙。能來相從不憚數。與子賦詩傾酒缸。

和如晦遊臨淄園示元明

平津開館大道西。桃夭杏姪通園蹊。東風入林朱白動。次
弟裝遍枝高低。紅梅最好花正盛。我時往看歸仍攜。爾來
風雨就零謝。忍見踏盡隨春泥。廣文先生厭閑冷。投書結
伴散馬蹄。主人同僚相門出。未肯朝暮甘鹽虀。歡然握手
喜迎候。促具並走子與妻。挿芳咀甘不知去。歸舍已見雞
在栖。坐揮大句鄙凡近。脫落塵迹登天梯。不因時節自娛
放。頗置白黑爲愁悽。我昏如此漫不省。何異車鼓樂鸚鵡。
長安綠酒春正美。與子一醉萬事齊。

答和叔城東尋春

尋春之何許。乃在城東隅。東隅信佳處。名園間精廬。時屬積雪霽。田壤墳以蘇。雍容二三騎。並轡徐厥驅。僕童怪且議。寒野安所娛。不知陽和氣。決滂于空虛。仰視孤刹起。突兀疑神扶。其下萬華屋。碧瓦魚鱗鋪。南行歷亭館。近接棟與櫺。陰草含碧色。陽條散紅腴。周覽氣象嘉。高步形跡舒。提攜上樽酒。饌不過魚蔬。爲奉豈非薄。歡至自有餘。却思九衢上。車馬何區區。紅塵塞兩眼。勢利各有趨。雖欲求暇逸。何能幸須臾。君勿輕此樂。此樂未易圖。

招景仁飲

紅薇花拆萱草丹。萬鈴嘉菊重臺蓮。問公此時胡不飲。樂有至理須鑽研。后夔已遠師曠死。寂寞千載無其傳。公窮天數索聖作。坐使綠鬢成華顛。屠龍絕藝豈世用。儀鳳至業非公專。洛陽有客金石堅。持議不屈難鑿鑿。園收獨樂會真率。以勞效佚寧非偏。古稱兩忘化於道。此理豈不曠且然。折花持酒待公醉。樂至無聲方得全。

次韻和君實寄景仁

予年行七十。惟日就志昏。雖高鴻鵠舉。尚困雞鶩喧。壯心久已摧。弱羽不得翻。每誦少游言。顧慙下澤轅。蜀公有高志。謝事久杜門。擾擾世俗務。不復挂口論。羣經雜圖史。擁坐如周垣。上談千載故。速若水注盆。客來必命酒。左右拱諸孫。雖無歌舞歡。自喜談笑溫。仰高顧吾私。有類甦觸藩。尚期蓬蓽完。亦有桑榆存。近觀敕子詩。尤見朋義敦。卜居近吾廬。指日駕君轡。構堂始云基。築圃亦已樊。前知會合期。不慘離索魂。想像入第初。親賓燕華樽。談高一理會。體

王百疾奔共完天純粹豈識世詐譏方笑司馬翁獨樂守
空園獨樂若實園名

寄秦川馬從事

往歲游西謁季長隴雲秦樹勝風光分題紅葉蠻牋賦對
舉流霞綵袖香宴洽翠娥連象榻夜寒嬌鳳泥銀簧未知
早晚重攜手惆悵而今鬢已蒼

春霽憶洛陽

少年結客洛陽時閑傍東風駐馬蹄山色遠饒潘岳宅波
光輕撼窈娘堤花繁到處紅如堵酒好尋常醉似泥賴有
金臺舊知己應憐魂斷虎牢西

春朝

燕語聞多日蠶眠過幾宵花深不辨蝶柳暗欲迷橋便面

金環重障泥玉勒驕黃公酒壚上誰賞阮孚貂

晚春

春暉東去月收弦却拂凝埃敞北軒幾曲雲屏空白晝一
簾花雨自黃昏庭蕪碧合陰蟲息牕樹紅稀鬪雀喧細憶
舊歡都入夢習家池上子山園

象之以山藥見贈

龍山有游客贈藥滿筠籠葉漬沙泉碧苗分石竇紅斲應
侵曉露來喜及春風却笑丹砂遠幸勸勾漏翁

飲方君舍晚歸

慘淡秋原息歸鞍暮向城野風吹酒釐寒日上衣明躑躅
樵兒聚喧呼獵騎輕村醪處處熟淮灘數來行

自靜敎院晚步溪上

雪盡岡頭路。風和戍鼓人。安閑淡內身。下寂寥前凍水。
晴初浪。荒城晚自煙。西橋車馬急。歸意尚雷連。

同化光陪寧極之滢陽城

不踏南溪路。于今五換春。能來再聯騎。還是舊遊人。置酒
真乘興。談經或入神。歡餘不無愧。林壑未還身。

之石橋

是日風陰異常

聞說西橋水樹間。不辭驅馬涉風煙。疎籬老屋臨官道。瘦
棘荒茅蔽石田。欲下鳴鷄盤木末。遠來驚雉落山前。瓢中
幸有村醪美。不怕春寒雨滿川。

過邵先生居

竹塢斜開逕。茅簷半卷書。幽閑入高卧。淡薄見平居。亂水
隨灑引。殘花不掃除。因君動高興。回首想吾廬。

寶奎殿前花樹子。去年與宋中道同賦。今復答宋詩。
長條飛動不依欄。淡粉濃朱巧作團。無語不辭終日立。有
情曾是隔年看。春羅試舞衣新換。古錦藏詩墨未乾。我為
愁多悲節物。欲酬佳句淚霑翰。

和子華兄同永叔飲三班官舍。兼約明日飲永叔家。
視草名臣潤色才。玉墀晨退共徘徊。朝廷無事文書省。臺
閣相歡笑語開。少厭賡酬停落筆。旋尋歌舞約銜盃。廣文
主簿官閑冷。不是詩情豈合來。

謁象之同諸君步之東禪院

二年憔悴走京塵。匹馬歸來訪四鄰。足滑舊諳城下徑。眼
明重見里中人。青蔬不沒荒畦雪。翠栢常留野殿春。風物
自如人事改。夕陽衰淚落衣巾。

奉和喬年館宿

蓬萊仙構斗魁旁。遞直初登漢署郎。雲向城頭收暝色。月
從樓角放寒光。行看砌菊嗟殘豔。坐對書芸襲暗香。景物
過清渾不寐。素經讎罷得新章。時喬年校醫書

寄題蘇子美滄浪亭

聞君買宅洞庭傍。白水千畦插稻秧。生事已能枝伏臘。歲
華全得屬文章。鸞飛靈鳳知何暮。蟠螭蛟龍未可量。莫以
江山足清尚。便收才業傲虞唐。

寒食出郊

都門氣象雨餘佳。壓盡風塵見草芽。日薄風和近郊路。朱
紅粉白遠林花。堤間獨去嬾珊女。柳下相逢輕轅車。絲鬢
未催樽酒在。不須辛苦問年華。

城西

繡鞅金羈十里塵。共傳恩詔樂芳辰。千重翠木開珍圃。百
尺朱樓壓寶津。御柳初長遮雉雉。宮花未識駭遊人。自憐
窮僻看山眼。來對天池禁籞春。

送劉景元觀察守襄陽

荊州太守駕朱幡。寶筆題詩出御前。應歇笙歌消暇日。欲
將才業効當年。千章翠木雲間寺。百丈清江雪後船。看取
古來良吏迹。蒼碑突兀峴山巔。

和伯壽秘監

曾陪道論接清歡。屈指如今四十年。不用笙歌娛上客。直
將風月待高眠。黃花一醉猶能否。白首相逢是偶然。便欲
投官結閣伴。家山况與碧嵩連。

南陽集卷之二十五
題卞大夫翠陰亭

新得亭名號翠陰。軒窗環合盡青林。定知野客先回顧。何處山禽自好音。池面有蓮風氣馥。城根多竹月華深。明年便作歸來計。應許攜樽與抱琴。

和太素同看梅花寄子華

寒林凍卉誰觀者。繁豔清香自得之。天賦好花如有待。日尋幽徑不知疲。未逢驛使空懷遠。猶喜山翁亦好奇。昔歲一觴今一詠。共陶真意不爲私。

樂道示長句輒次韻

光陰不覺成陳迹。事變何嘗有定期。身外閑愁無自入。飲中歡興未全衰。編排暑後新投酒。點檢秋來合唱辭。更欲邀君浮畫舫。藕花菱蔓滿西池。

和詹叔遊廬山見寄

香爐峰色壓羣山。仰眺頻欹使者冠。江面煙波搖紫翠。佛宮金碧照晴寒。密藏幽谷梅千樹。散走鳴泉竹萬竿。今日頓驚塵慮盡。一章佳句雪中看。

和朱主簿遊園

白首昏昏度歲年。忽聞春至便開顏。溪頭凍水晴初漲。竹下名園晝不開。旋得歌辭教妓唱。遠尋梅艷喚人攀。如今尚有官拘束。解組歸來始是閒。

登湖光亭

雪盡塵消徑露沙。公家池館似山家。翠痕滿地初生草。紅氣通林未放花。匝岸平波清照鴈。壓城危樹斗回鴉。自慚白首猶圭組。此地年年賞物華。

公時遺石榴

高冠趨尹君方椽成促席迎賓我已翁交態不忘平日
厚歌聲猶似少年工映階露菊秋吟苦盈筥霜榴歲問通
每與東鄰話知舊白頭強健幾人同景仁

登城樓呈子華

麥苗黃熟稻苗青餉婦耘夫笑語聲樓上清風簾箔靜田
間白水鷺鷥輕展親會集從容樂娛老謳吟放曠情羽孽
漸消民食足更無餘事計虧成

又和子華

沉陰消盡見春和初放扁舟泝綠波水際踏青憐日暖林
間舉白為花多狂從田婦窺籬看醉任家童刮鼓歌年少
縱歡饒點檢老懷終不挂誰何

同化光飲象之家

又從鄰舍客來折主人花游處當年似悲傷老去加興長
歌易放情密語無譁歸路生殘月春風醉袂斜

和謝主簿游西湖

雲陰開剝日光穿和氣隨風近酒船湖面波清渾見底樓
頭山碧自生煙興長不忍回孤棹歌懶才能逐緩絃因子
樽前話歸計醉魂先到峴山邊

景仁招况之聞用歌舞望門而反作詩戲之

一夜嚴風結素波盍簪寧避曉寒多范滂攬轡方清俗墨
子回車豈惡歌雲外雁寒驚歲晚林間鴉語弄春和知君
不久承寬詔始奈紅裙綠酒何
襄柑分惠景仁以詩將之

荆州解綬十經春。迴夢青林遶漢濱。霜氣輕寒催紺實。渚波餘潤作甘津。僧園採掇寧論數。客路奔馳竟占新。雪意垂收高會缺。分金聊助席間珍。

和三兄游湖

竹陰迴抱柳陰敷。石色青青潤不枯。暫到已驚風力勁。更清須待月輪孤。波涵天影迷高下。雲覆山光變有無。暑退疾清人意健。縱吟狂醉是良圖。

和景仁元夕

月上朱樓角。風搖翠篠層。傳聲迴步輦。滿日爛行燈。簫鼓千門沸。弓刀萬馬騰。詩翁懷盛事。眉雪慘霜稜。禁戶千通鼓。天街萬點燈。懷君瑩如玉。驅馬不嫌冰。樂事看流俗。狂游記舊朋。回思真夢幻。不待訪林僧。

謝堯夫寄新酒

故人一別兩重陽。每欲從之道路長。有客忽傳龍坂至。開樽如對馬軍嘗。嘗怪杜詩曰洗盞開嘗對馬軍及得錦屏山題名有寄河南府使馬軍送新酒者然後羅定將瓊液都為色。疑有金英密借香。却笑當年彭澤令。籬邊終日歎空觴。陶靖節云秋菊盈園而時醪靡至

和謝厚卿載酒見過

應為閉門境太清。固攜歌管逐雙旌。酒逢歡後寧論量。語到真時不屬情。木葉吟風千籟作。菊叢含雨萬珠明。知公凡案常豐暇。詩思如泉日夜生。

謝到水仙二本

黃中秀外幹虛通。此花外白中黃莖幹虛通如葱本乃喜生武當山谷間士人謂之天蔥嘉名近帝聰。密葉暗傳深夜露。殘花猶及早春風。拒霜已

夫芙蓉豔出水難留菡萏紅。多謝使君怜寂寞。許教綽約伴仙翁。

觀安公亭戲呈觀文主人

十五年來此地行。白頭重到不勝情。梅寒未放黃金藥。冰綻初流碧玉聲。憔悴霜松如有訴。庵前一松枯悴。輒呼園吏汲水灌之。紛披風竹似相迎。紅裙散後歌音絕。海鶴塔前時一鳴。風流瀟灑。酒二俱不惡。

寓展江亭謝堯夫寄酒及花

措枉我先違陞石。均勞公已下堤沙。已欣晚歲逢良友。更喜高秋見好花。旨酒芳新來似水。危亭清絕至如家。三杯舉白歌相和。忘却風前兩鬢華。

哭蘇子美三首

未起蛟龍臥。俄纏鴈鳥悲。寢門號故友。總帳哭孤兒。業履歸輿議。銘文絕愧辭。滄浪亭下路。長負故人期。子與子美約。今則已焉。

魄動書流創。子美去冬與予書云。貌無相見之期。誠通夢告悲。子夢若有告而得。

人生要有盡。君沒竟何施。白日空塵八。春風自酒卮。

旅魂歸未得。藁葬近要離。

才大終為累。寬深豈復論。幾年流落恨。千里寂寥魂。功業初懷負。風流秀句存。英靈邈無所。灑淚望閭門。

和晏相公湖上四首

霧霽山高牖。天寒水落沙。試披深岸草。往往見黃花。穫水登紅稻。篙舟割紫菱。盃盤見秋物。江海息飛騰。風枝挂危葉。飛動夕陽中。莫遣兒童撼。畱看著露紅。

折葦隨風色。枯荷盡雨聲。平波極眼淨。好放畫船行。

答師厚夜歸客舍見詒

幽居直欲學忘言。忍對賢豪遂默然。談到精微夜寥闕。秋風時下竹窗前。

和晏相公湖上十月九日

斷橋孤嶼寒光外。短檝輕舟斜照中。未必江湖能勝此。野棠梨葉赤如楓。

謝送妃子園荔枝

年年驛使走紅塵。貢入驪宮色尚新。妃子園名猶未改。一籠丹實寄閑人。

醉醺花

細蓓繁英次第開。攀條盡日未能回。不如醉卧春風底。時

使清香拂面來。

城西書事五首

蔬畦遶茆屋。林下輓轡遲。霜蔓已除架。風瓢空挂籬。
朱果繁霜後。甘甜味。自零忽驚林色曙。零落見殘星。
犬吠村墟改。人移井臼空。誰家收粟罷。林脚有遺蓬。
松陰不可憇。冷冽恐飛霜。時有高風過。乾花落石牀。
野竹濛荒塹。寒花亂廢墟。秋郊足幽事。直欲帶經鉏。

徐秘校過池上見訪畱二絕句

依韻

樽酒浮多蟻。舟蓬覆似蝸。折楊爭貫鯉。編竹自撈蝦。
憐君此休駕。長日坐傾斜。山雨催行酒。林煙候煮茶。

洛城雜詩五首

分從柳外揚鞭去。同作花前載酒行。題得新詩無處寄。雜

英飛絮滿春城。揚詩丞持詩見尋不遇

洗馬澗邊芳樹密。欄干仍在碧流西。香檀亂拍朱絃急。應

有遊人醉欲迷。洗馬欄

上東門外春三月。桑葉陰陰覆菜花。密竹亂流行逕絕。枯

櫟鳴處是人家。上東門外

無數長條亂曉風。誰將紫錦覆春叢。殘英點落青苔面。獨

倚朱欄細雨中。府署紫錦帶花

櫻桃園裏鳴禽亂。獬豸池邊積草多。七十年前繁盛地。曲

蹊深隧見張羅。會節園

惜酴醿

天意再三珍雅豔。花中最後吐奇香。狂風莫掃殘英盡。留

與佳人貯絳囊。

陪晏相公遊韓王水磴園

行遍洛川南北岸。自憐探賞頗窮幽。不知物外清閑境。只

在韓王水磴頭。

出畱守府之東游。李相園趙令竹林觀。楚家桂樹子

去歲數從元獻公。爲此行作三絕句。以道悲愴之

意。

府東朱戶昔嘗開。日日從公選勝來。游履吟毫成故事。斷

松飛溜有餘哀。

李家池上朱櫻熟。趙令林中錦籜春。更欲題詩論舊賞。自

慙非是絕絃人。

曾陪樽酒詠芳叢。今日遲畱意不同。公詩云更作丹花滿

留紅萼似知人慘淡。亂隨清淚落春風。煙葉欲令佳客到遲

西城

暖風和日著人來。細柳高榆抱遠回。我為傷春足悲恨，不
禁驅馬上愁臺。右愁臺

太皇太后閣

鏤成寶字題宮戶。剪出名花趁御筵。人世不知春色早，忽
驚歌吹下中天。

太后閣

金花鏤勝隨春燕。綵杖縈絲逐土牛。迎得韶華入中禁，和
風次第遍神州。
綵杖朝來散玉京。綺窗新網結初晴。靜呼宮女教調曲，閑
引皇孫看學行。

皇后閣

紫蘭紅蓼簇春盤。曉逐金盃下太官。朝過三宮歸已晚，日
華明麗雪消殘。

夫人閣

漸暖正當挑菜日。輕陰漸變養花天。君王勤政稀游幸，院
院相過理筵絃。
宮娃拂曉已催班。拜謝春幡列御前。不待東風報花信，紅
酥綵縷鬪芳妍。

餘醪

平生為愛此香濃。仰面常迎落架風。每至春歸有遺恨，典
刑猶在酒盃中。

戲示程正叔范彝叟時正叔自洛中過訪

曲肱飲水程夫子。宴坐燒香范使君。顧我未能忘外樂，綠

樽紅芰對朝暉

曲肱飲水一作閉門讀書易宴坐澹香一作隱几澆盃朝暉一作對暉

亦仲謀八老會

同榜同僚同里客。斑毛素髮入華筵。三盃耳熱歌聲發。猶喜歡情似少年。

展江亭海棠四首

占盡人間麗與華。白頭判得醉流霞。誰將法錦翻新樣。紅綠裝成遍地花。

昔年曾到蜀江頭。絕艷牽心幾寸秋。今日欄邊見顏色。夢魂不復過西州。

紅糝裝修嫋嫋長。人間不合有天香。此花無香千觴未足酬佳麗。回首東風更斷腸。

又避寒風與暖曦。年年長此無花期。如今太守尤珍愛。只

許官娃戴一枝

和杜孝錫展江亭三首

斜日低雲動水光。偶尋佳處閱羣芳。城闌不隔和風度。吹過千花百草香。

驚鷺飛鳴避畫橈。游人笑語過朱橋。買家園裏花應謝。綠遍牆頭野杏梢。

世情未免歌紅粉。道韻無妨寄白雲。歸路看花應更好。林間明月漏金盃。

和微之飲楊路分家聽琵琶

酒熟梅香臘後天。春鶯巧囀忽當筵。共嗤白傅辛勤甚。萬喚千呼始上船。

朱絃四十昔嘗聞。藝不論多貴絕倫。少損新聲放平淡。免

教醉殺白頭人

是夕微之劇飲歡甚

再和堯夫同前

教得新聲十二絃。每逢嘉客便開筵。春湖水綠花爭發。好引紅粧上畫船。遇酒逢歌觸處春。白頭相視若天倫。須知丞相官儀重。不及琳宮自在人。

閑居息湖上

遠泛每思隨鴈鶩。深居半是避杯觥。官閑日永無餘事。卧聽朱絃教曲成。

庵中睡起五頌寄海印

窓間日射寒松影。枕上風傳過雁聲。夢境覺來元一際。不勞唇齒話無生。

四山標韻出風塵。高下雖殊一色均。爲我終朝談實相。參差庭栢敞精神。

剡竹紉絲雖短長。誰教曲折號宮商。自從眠處知消息。終日笙歌是道場。

飯後西堂百步行。困來合眼是無營。從生至老非他物。道著如今已是情。

火衰水劣病餘身。未散虛空一聚塵。更欲強招年少客。折花同賞夢中春。

